

明代
嫖經

青樓韻語



上

由國家圖書館數位化、典藏



國學珍本文庫

— 第一集第九種 —

張夢徵編

青樓韻

襟霞閣主人重刊

語

中央書局總經售





青樓韻語題詞

天下事未有不以韻勝者。當品題者。青樓
 世所謂韻地也。青樓中人。世所謂韻人也。雖然。韻乎
 哉。彼其人云何。而居青樓。恐非為憐才計也。古之
 韻人。於是發憤。作嫖經。曰。韻乎。曰。韻。曰。諺。曰。益藉
 韻。道破。則不韻。嫖經也。蘊藉。曰。曰。是。不。然。以。我。之
 不韻。破。彼。之。不韻。彼。種。之。不韻。瞭。然。我。胸。次。而。我。得
 藉。是。以。游。戲。其。間。稱。快。矣。礎。談。矣。往。而。不。在。耶。則



青樓韻語題詞

一

797796

89029966

青樓與青樓中人我視之不自疑其乃況其詩詞
也者以故夢游居士為輯是集歟之曰青樓韻語
竊以嫖淫附以詩若詞繪以圖與元亮氏漫綴以
品題焉維曰品題宜嫖淫註疏也歟哉夢游微後
有肄業此道者夢游微不為之朱夫子哉余謂
裸顏子弟知尊夢游微為朱夫子庶幾他日者不愧為
明經之士此道中經術從可明矣我精翻經典之培顏

花柳上人書於綠天菴



右輯古今詞妓凡伯八十人韻語計五
伯有竒想箇中銷鑠神情漸滅人品知
愚賢不肖更當以倍蓰十伯千萬人計
乃附見於詩篇者視所觀遇萬不盡一
即詩篇所見又安必其盡所鍾情人也

其大海而浮沫即須彌而芥子即且渡
以芥子浮沫而求納於須彌大海即為
色為相為情為想為真為幻當作云何

觀

六觀居士跋



青樓韻語原圖




青樓韻語
卷二

青樓韻語原圖



青樓韻語原圖



青樓韻語原圖

四




聖治文禽清有
正德園美亦茂
交枝 樓茶

員字

青樓韻語原圖




青樓韻語原圖



抱琴方
注想思
到方思
即
緊儀

青樓韻語原圖

彩閣相思處
落花流水時



青樓韻語原圖



青樓韻語凡例

一 韻語別以青樓。凡詩詞曲調止選古今名妓外。此卽璣囊彤管鏗然簡端。而名不列樂籍者。不敢妄附攬入。

一 古名妓大略收羅無遺。時下頗乏作家。有亦未能盡識。據遠近徵得者若干首。隨徵隨錄。真贗未暇窮執也。

一 嫖經係舊人所作。卽語多俚而搜引變態。曲中人情。非但爲青樓左券。因之用世。允稱通人。故錄以弁首。

一 彙語以嫖經爲綱。上加一圈。以便條覽。次註釋。次經目。次詩。次詞。次曲。而古今世代名次。其中又各爲先後。

一 有嫖經而不可入韻語者。止存其經及註。後標曰詩詞無不欲雜以僞語

耳。

- 一 註釋係元亮先生名筆。愚意略爲參贊。至舊註稍不俗者。並得備錄。
- 一 圖像倣龍眠松雪諸家。豈云遽工。然刻本多謬稱倣筆以誣古人。不佞所不敢也。

丙辰上元日六觀居士張夢徵識。

青樓韻語

上冊目錄

卷一

調情

答趙生紅梨花詩……………二

贈張夢徵……………二

索物詩八首

十索曲……………三

酬郭簡州寄柑子……………三

十索……………三

初耽詩二首

嘲友……………四

久歷詩一首

贈友……………四

認真曲一闋

贈陳生曲（黃鶯兒）……………五

蒼姬詩一首

有感……………五

吃醋詩二首

寄鄭光業……………六

詰願生……………六

閃詩三首

繼進士李標作……………七

謝友……………七

病中寄人……………七

初厚 曲一闋

喜裴生見過懶畫眉……………八

久濃 詩一首詞一首

示友……………八

贈友……………八

投好 詩一首

藍橋詩為張生賦……………九

志誠 詞一首

寄友（調感恩多）……………九

動狂 詩一首

公孫大孃舞劍行贈周公瑕……………一〇

愛飲 詩五首

司觴美人為陳瓊芳……………一一

答詩……………一一

司酒……………一一

獨酌……………一一

知詩 詩四首

酬祝十三秀才……………一一

校書……………一一

分韻……………一一

謝王徵君敘詩……………一一

出語 詩一首

大家 詞一首

贈李昭……………一四

遭難 詩一首

贈河東郭一妹……………一五

合意 詞一首

獨夜懷人（調更漏子）……………一五

覩物 詞一首

寄友……………一六

偷鞋 詞一首

戲題（調臨江仙）……………一六

剖帕 詩一首

裂帛贈人……………一七

情親 詩一首

寄答吳興友人……………一七

致愛 詩二首詞一首

坐中卽事……………一八

語陸中文……………一八

悶中寄人（調蝶戀心）……………一八

對友 詩一首

致念……………一九

置酒 詩十五首詞一首

中秋夜月黃吉甫坐月……………二一

春日諸社文過小園賞牡丹各賦

絕句見投用韻和答四首……………二一

秋日邀何侍御飲得行字……………二二

中秋夜同蔡幼凝集楊姬舜華館中……二二

長橋宴客……二二

何侍御席上書事……二二

春日同友飲秦淮舟中……二三

桃葉渡頭同吳中翰坦愚飲……二三

夏日飲吳太學載伯齋中……二三

飲陸山人無從齋中因贈……二三

同蔡長卿孝廉飲因贈……二四

贈陳九光……二四

獨坐偶念與吳生疇昔暢飲輒成

却寄（調醉蓬萊）……二四

陪茶 詩一首

品茶……二五

頻串 詩一首

嘲友……二五

從良 詩五首詞三首

敘懷……二六

咏白鸚鵡求脫籍……二六

送周韶落籍……二六

送周韶從良……二七

自嘆……二七

自陳詞……二七

乞除樂籍詞上蘇州太守限九字

（調西江月）……二七

帥府席上求脫籍（調木蘭花）……二八

卷一

慕侑 曲一闋

贈張生（醉扶歸）……………二九

情不在貌 詩一首

戲成訊友……………三〇

約 詞一首

欺人（調千秋引）……………三〇

走 詩二首 詞一首

示李師顏……………三一

秋夜語薩生……………三一

夜行詞……………三二

死 詩九首

題梁上燕……………三二

燕子樓詩……………三二

和白樂天……………三三

贈李章武……………三三

題詩枕屏示章導……………三三

臨終寄丘郎……………三三

哭 詩二首

咏淚……………三四

咏懷……………三五

嫁 詩二首

寄王魁……………三五

歸鹽商解嘲……………三五

守 詩二首

寄張正字……………三六

寄元驥卿……………三六

抓詞一首

踏莎行……………三六

打詩一首

戲語方時亮……………三七

剪詩一首

截髮詞贈裴生……………三七

刺詩二首

答龔舍人……………三八

燒詞一首

贈情人詞（調揀香詞）……………三八

俊友詩一首

孔舍人招飲李照齋適小友韓生至

小白下昭一見心許之戲題以贈……………三九

村客遇俏姬詩三首

解嘲……………三九

青樓怨寄郭生……………四〇

欲合未合詩一首詞一首

寄答趙院判韻……………四〇

無畸屢辱過訪寄此見懷（調花

心動）……………四一

託友詩一首

秋日懷杜生值彥卿適至遂作書

托寄賦此……………四一

漸訕詞一首

答翁客（調踏莎行）……………四二

密約 詩三首

坐吟……………四二

答情人……………四三

戲題……………四三

私語 曲一闋

示李生（桂枝香）……………四三

蒼心 詩一首

秋日書懷……………四四

感額 詩一首

自嘆……………四四

追陪 詩四首

擬古四首……………四五

誇已 詞一首

示友（調蘇幕遮）……………四六

顧盼 詩一首

病中對友……………四七

離別 詩六十一首詞六首曲一闋

別李郎中……………四七

送姚員外……………四七

送鄭資州……………四八

江亭宴餞……………四八

贈遠二首……………四八

送友人……………四八

席上贈薛官僚……………四八

明月夜留別……………四九

留別廣陵故人……………四九

送韓揆之江西……………四九

送閣二十六赴剡縣……………四九

祖餞賓僚……………四九

送人……………五〇

送人……………五〇

贈人……………五〇

冬夜別顧參軍席上得春字……………五〇

別黃玄龍……………五一

送期蓮生還里……………五一

與蘇生談別……………五二

送張孝廉……………五二

贈庠士傳春誦戎詩……………五二

別孫子真……………五三

送友上春官……………五三

柳枝詞送友……………五三

覽鏡貽別……………五三

別離曲……………五三

小春十七夜送張幼于……………五四

冬日留別……………五四

送友還岳口……………五五

別人……………五五

送沈嘉則遊廣陵……………五五

送別……………五五

送王仲房還新安……………五六

暮青江上送別……………五六

送張幼于還吳門……………五六

別蔡幼巖	五六
燕巖送別	五七
別友	五七
敘別	五七
送別	五七
送別	五八
送別(調惜分飛)	五八
答盧疎齋(調落梅風)	五八
送行	五九
送太平詞(調賀新郎)	五九
餞齊參議還山東(調太常引)	五九
送人入朝賦玉環	六〇
口占贈張生	六〇

咏繡鞋贈別卽席(七犯玲瓏)……六〇

傳情 詩一首

卽席贈友……六一

情密 詩一首

對友感懷……六二

討情 詩一首

示友……六二

廢好 詩十一首

十離詩上浙東元相公……六三

舟中自嘆……六五

寄謎 詩一首詞一首

寄趙維翰……六六

岳無文以詩謎寄人賦此戲調……六六

復爐詩一首

喜王生再至……………六六

贈友（調傳言玉女）……………六七

奪趣詩一首

酒半示友……………六八

寄友……………六九

怨詞寄友……………六九

梳櫳詩四首

新粧美人為李慶英賦……………六九

答詩……………七〇

贈女弟觀……………七〇

自敘……………七〇

勢壓詩一首

口占……………七一

討好詩一首

即事……………七一

寄信詞一首

託星甫寄念願源長（調絳都春）……………七二

傳情詞一首

憶昔（蝶戀花）……………七三

寄意詩四十一首詞四首曲一闕

贈謝府君……………七三

寄阮郎……………七三

上韋相公……………七四

柳絮……………七四

和禮書記席上見贈……………七四

上王尙書……………七四

青郊遊眺寄孫處士……………七四

寄張元夫……………七五

池上雙鳧……………七五

蟬……………七五

月……………七五

風……………七五

贈盧夫人……………七六

贈友人……………七六

戲贈……………七六

迴文（詩四絕）……………七六

寄友……………七七

寄紅箋……………七七

擲紅巾詩……………七七

酬天水光遠……………七八

為裴思廉及第賦……………七八

寄人……………七八

賦香篆時……………七八

贈陳夢和……………七八

題金山寺壁示雙漸……………七九

贈張子行……………七九

懷人……………七九

贈舉子……………七九

贈友……………八〇

自題……………八〇

夜坐作寄友……………八〇

和期蓮秦淮怨別……………八〇

望月詩寄人……………八一

秋夜寄張孝廉……………八一

贈王生……………八一

答施酒監（調卜算子）……………八一

寄李之問（調鷓鴣天）……………八一

戴公得請玉局之司作詞贈之（

調滿庭芳）……………八二

寄人（粉蝶兒）……………八二

遇誕 詩一首又一聯

誕日感懷……………八三

壽趙燕如……………八三

贈香 詩一首

贈香……………八三

投果 詩一首

夏日同友戲操小舟共采蓮房佐

酒漫賦紀……………八四

數四相求 詩一首

病中答謝友人……………八四

再三反浼 詩一首詞一首

挑陳陶……………八五

獻張子野……………八五

續尚書全子仁梅子歌（調清江引）……………八五

鄰美 詩一首

寄陳八玉英時留姑蘇……………八六

枕席 詩四首曲一闋

同寢贈司馬樵……………八七

贈歸人……………八七

贈情人……………八七

卽事……………八七

贈友（步步嬌）……………八八

披霜帶月 詩一首

贈友……………八九

移春 詩一首

題李昔非齋頭……………八九

逐絮 詩六首

花源逢顧何二使君作……………九〇

青溪曲……………九〇

聞玉如移居戲題代贈程母潛……………九〇

推塚 詩一首

贈遼陽李公子……………九一

經營 詞一首

贈遠人……………九一

經年 詩一首

冬日留別……………九二

今夜 詩二首

送芮實卿還蕪湖……………九二

眼嫖 詩一首

戲成寄調……………九三

口嫖 詩一首

嘲王生……………九三

蒼生好色 詩一首

對倍翁……………九四

遺友……………九四

買心 詩一首

贈友……………九四

有感……………九五

攜手曲寄張夢徵……………九五

離情

子夜變歌……………九五

少年行……………九六

堅意 詩四首

守情十四韻……………九七

怨辭……………九七

一日二番 詞一首

崔生與女弟投契作此相嘲（調

風中柳）……………九八

隔年 詩一首

再晤詩同趙生賦……………九八

暮來朝去 詩一首

月夜……………九九

留客 詩一首

示友……………一〇〇

跳躍相迎 詩二首

喜友人至……………一〇〇

秋夜逢故人……………一〇〇

念友……………一〇一

吁吁詩一首

述懷（調眼兒媚）……………一〇二

出神詩一首

自調……………一〇三

入道詩二首

禪悟……………一〇三

送徐孃入道……………一〇四

寄書詩二十八首詞一首

答韓君平……………一〇四

貽友人……………一〇四

寄朱放……………一〇四

寄遠……………一〇五

贈遠……………一〇五

初冬有寄……………一〇五

述懷寄人……………一〇五

寄遠……………一〇六

寄情……………一〇六

寄答邱長孺……………一〇六

寄張六郎……………一〇七

寄友……………一〇七

顧太湖見子寫蘭貽吳山兄投詩

以索賦此答之……………一〇七

寄友……………一〇八

寄遠……………一〇八

寄蔣子……………一〇八

寄吳郎……………一〇八

寄友四首……………一〇八

寄友……………一〇九

贈巾 詩四首

贈汗巾……………一〇九

贈幌……………一〇九

寄汗巾詩……………一〇〇

贈汗巾……………一〇〇

贈扇 詩八首

贈扇……………一一〇

題蘭扇贈友……………一一〇

夏日寄扇……………一一一

畫菊扇頭贈新知……………一一一

題畫扇贈人……………一一一

題蘭扇贈人……………一一一

題畫扇送人……………一一一

畫蘭扇贈鄭圖南……………一一一

附贈 詩十三首詞一首

折花酬新員外……………一一二

寄髮……………一一二

贈朱章武玉指環……………一一二

寄半臂詩……………一一二

裁衣寄人……………一一三

寄玉連環……………一一三

解佩贈友……………一一三

贈指環……………一一三

贈香囊……………一一三

題畫蘭贈友……………一二三

畫蘭……………一二四

寄小像……………一二四

緘棗寄張生……………一二四

咏鳳頭簪贈友（調好事近）……………一二四

卷四

情在一人詩二首

懷人……………一一五

寄情……………一一五

玷垓詩一首

羅敷曲……………一一六

多情頻見詩三首詞一首

臥病喜陸鴻漸至……………一一七

史太學微伯見訪……………一一七

期至……………一一七

追憶往事（調應天長）……………一一七

贈友（調歸國遙）……………一一八

同欣戚詩一首

感恩篇贈友……………一一八

牽引詩二首

代客答……………一一九

囑使者還楚……………一二〇

久別詩三首

寄友……………一二〇

懷人……………一二〇

怨日色詩一首

子夜夏歌……………一二二

恨鷄聲 詩一首

帳中詞……………一二一

設誓 詩二首

同心歌……………一二二

呈友……………一二二

與張生盟……………一二二

無言 詩二首

贈女弟……………一二三

卽事……………一二三

梳洗 詩四首

晏起……………一二四

休洗粧……………一二四

畫眉……………一二四

失常 詩一首

怨詩……………一二五

稱子建 詩一首

席上貞卿以新詞相授賦贈……………一二六

盛容 詩二首

張君儀席上各賦盛年不再好（

得落字）……………一二七

古意……………一二七

聲名 詩一首

贈鄰姬……………一二八

性情相合 詞一首

與王生坐譚偶成（調柳稍青）……………一二〇

傷春詩二十九首詞一首

春望（詩四首）……………一三二

偶居……………一三二

閨情……………一三三

病中見落花……………一三三

閨怨……………一三三

春怨……………一三三

春閨課舞……………一三四

聞禽……………一三四

病起美人為楊舜華賦……………一三四

答詩……………一三四

春閨怨……………一三五

對月……………一三五

閨思（迴文）……………一三五

春夜……………一三五

閨情……………一三五

三月卽事……………一三六

泰寧病中……………一三六

春日卽事……………一三六

春懷……………一三六

枕上偶成……………一三七

燈夜病起……………一三七

春怨（調小重山）……………一三七

病酒詩二首

醉臥美人為寇文華賦……………一三八

答詩……………一三八

青樓韻語 目錄

夜坐 詩一首

夜坐……………一三八

候約 詩七首詞一首

得閣伯鈞書……………一三九

七夕……………一三九

泊濠曲……………一三九

獨寐……………一三九

青樓韻語

卷一

武林

環應居士朱元亮輯註併校證
六觀居士張夢徵彙選并摹像

＊男女雖異。愛慾則同。男貪女美。女慕男賢。

容與妓。非居室之男女也。而情則同。女以色勝。男以俊俏伶俐勝。自相貪慕。

＊鴛子創家。威逼佳人生巧計。撮丁愛鈔。勢摧妓子弄奸心。

鴛鳥性淫。與百鳥合。以名妓家媽媽。撮丁。妓家當家男子也。妓之巧計奸心。非由性生。皆威逼勢摧習成耳。

＊且如尋常識見。皆由繩準之中。設若奇巧機關。更出筌蹄之外。

此皆奸心巧計做成。豈尋常識見可到。

＊若不運籌。定遭設網。

古人著爍經。蓋爲後人遭網者運籌也。一一論列於左。

✽調情須在未合之前。允物不待已索之後。

未合而調最有味。不待索而允。最動其喜。

調情詩二首

答趙生紅梨花詩

謝金蓮

本分天然白雪香。誰知今日却濃粧。鞦韆院落溶溶月。羞覩紅脂睡海棠。

贈張夢徵

維揚妓

廣陵風雨驟。未理合歡衾。密約傳青眼。芳期托素心。畫眉勞屬筆。逆意數挑琴。此夕相傾倒。三生結契深。

索物詩八首

十索曲

丁六孃

裙裁孔雀羅。紅綠相參對。映以蛟龍錦。分明奇可愛。麤細君自知。從郎索衣帶。爲性愛風光。偏憎良夜促。曼眼腕中嬌。相看無厭足。歡情不耐眠。從郎索花燭。君言花勝人。人今去花近。寄語落花風。莫吹花落盡。欲作勝花粧。從郎索紅粉。二入好容顏。非意得相關。逢桑欲採折。尋枝倒懶攀。欲呈纖纖手。從郎索指環。含羞不自持。送眼勞相望。無那關情伴。共入同心帳。欲防人眼多。從郎索錦障。蘭房下翠帷。蓮帳舒鴛錦。歡情宜早暢。密意須同寢。欲共作纏綿。從郎索花枕。

酬郭簡州寄柑子

薛濤

霜規不讓黃金色。圓質仍含御史香。何處同聲情最異。臨川太守謝家郎。

十索

景翩翩

葉葉傍柔荑。芳心故未吐。染作小松花。並坐施郎股。展轉當耐勞。從郎索蘭譜。

＊初耽花柳。最要老成。久歷風塵。豈宜熟念。

此道原無慣家。初耽者更須斟酌。

初耽 詩二首

嘲友

徐驚鴻

春風何處覓王孫。日日鳴鑣到市門。不是司空頻見慣。蛾眉纔遇便消魂。

久歷 詩一首

贈友

趙觀

風期夙擅少年場。遍處青樓醉羽觴。縱是相逢傾國豔。也知無夢到高唐。
＊若要認真。空然着假。

若輩爲經營計也。豈可認真。

認真曲一闋

贈陳生曲

黃鶯兒

顧長芬

一自結盟言。感卿卿心最專。西陵松柏時相念。祝蒼天見憐。願和諧百年。守堅貞。肯逐風花轉。結良緣。今生永好。比翼效鸚鵡。

對新妓談舊妓之非。則新妓生疑。調蒼姬憐雛姬之小。則蒼姬失意。

前船就是後船眼。故疑易生。老者妓所最忌。對老憐少。不堪之甚。

蒼姬詩一首

有感

馬月嬌

悵望鉛華不易留。殘粧猶帶舊風流。傳香尙憶窺青瑣。覽鏡那堪漸白頭。寂寞

朱顏羞閉月。蕭條紈扇欲藏秋。近來不分諸少年。夜夜吹蕭向鳳樓。

＊痛酒勿飲。寡醋休嗜。

痛飲者。爛醉不支。淋漓可厭。

吃醋亦趣事。但寡則無味，

豈不膩臉。

吃醋 詩一首

寄鄭光業

楚兒

應是前生有宿冤。不期今世惡姻緣。蛾眉欲碎巨靈掌。鷄肋難勝子路拳。祇以嚇人傳鐵券。未應教我踏金蓮。曲江昨日君相遇。當下遭他數十鞭。

詰顧生

劉元

朝登堦垣上。往事已非今。新燕舞未歇。前魚泣不禁。豈知青眼盼。翻作白頭吟。葑菲拚相棄。何論夙昔心。

＊寧使我支他。莫教他閃我。

他既生心。我卽預爲之計。庶不着閃。

閃 詩三首

繼進士李標作

王蘇蘇

怪得犬驚鷄亂飛。羸童瘦馬老麻衣。阿誰亂引閒人到。留住青蚨熱趕歸。

謝友

趙瑣

感郎情意堅。尺素時相送。妾已謝乘鸞。君猶數題鳳。翠袖捲郎當。瑤琴罷拈弄。夜久倚空牀。無復陽台夢。

病中寄人

董貞貞

璿閨幾日抱沉疴。相對閑屏減笑歌。縱使郎心能見惜。芳期無奈轉蹉跎。＊初厚決非本心。久濃方爲實意。

一見稱奇者有之。然不可多得。

初厚 曲一闕

喜裴生見過懶畫眉

董貞貞

相逢花下乍停鑣。便覺傾心愛楚腰。春情能不爲君拋。片時相對相傾倒。何必琴心暗裏挑。

久濃 詩一首 詞一首

示友

苗素

憶昔相逢意自親。於今婉戀更情真。儂心到此郎知否。不似楊花解誤人。

贈友 調慕山溪

徐驚鴻

白頭如故。肯把須臾負。繾綣幾年餘。無日不形隨影顧。好時偎倚。病裏扶持。比

翼鳥。連理枝。難並雙心固。擁衾聯臂。細細和伊訴。闍想結交初。經受過許多

折挫。鍾情在我輩。得常伴多情。煩惱也成歡度。

✱欲買其心。先投所好。

好色。好貨。好詩。好酒。俱諸種種好尙。須量自己力量投之。

何患心不可買。

投好 詩一首

藍橋詩爲張生賦

馬 綬

自別仙郎已數秋。寧期玉杵暗相投。締姻深感裴航意。肯逐藍橋逝水流。

此亦投所好之一端也。彼此情性相投。方能感動。

志誠 詞一首

寄友 詞感恩多

楊曉英

感君情最契。執手西陵誓。共慚楊柳枝。逐風吹。佳期莫漫成虛繆。願綢繆。願綢繆。願綢繆。更祝檀郎百年思好逑。

動狂 詩一首

公孫大孃舞劍行贈周公瑕

趙燕如

自昔盈盈初十五。獨飲羞蛾顰靨輔。學歌學舞可耐勞。棄去不學學劍舞。芙蓉氣溢秋水寒。星文電轉霜威繁。羞勻粉黛小垂手。宛轉驚燕還翔鸞。生平任俠多自許。聶隱紅線吾偕侶。掌上翻飛擬翠盤。隨風旋旋空中舉。公孫劍術夙擅場。見之眉宇都飛揚。超悟獨推張長史。一時筆陣增鋒鏘。*愛飲酒杯。常備劉伶之具。擅知詩句。多談杜甫之才。

投所好種種如是。

愛飲 詩五首

司觴美人爲陳瓊芳

徐驚鴻

華筵畢上賓。女使獨司巡。纖手評量審。明眸盼睭親。含羞嬌頰薄。怒忍笑儼微。嗔。一到關情處。惺然倍有神。

答詩

陳瓊芳

當盃多賞會。糺酒獨稱宜。今日儂爲政。此時卿莫辭。卿無用卿法。儂豈顧儂私。卽看如約者。便是有情癡。

司酒

趙觀

花亭月榭酒腸寬。醉殺詞人自足歡。但有青樽司命在。何妨觴政虐如殘。

獨酌

薛素素

香嘗花下酒。翠掩竹間扉。獨自看鷗鳥。悠然無是非。
好鳥鳴高樹。斜陽下遠山。門前無客過。數酌自酡顏。

知詩 詩四首

酬祝十三秀才

薛濤

浩思藍山玉彩寒。冰囊敲碎楚金盤。詩家利器馳聲久。何用春圍榜上看。

校書

趙觀

東壁餘光影乍流。曲房披卷夜如秋。却慚名落娼家籍。滿架牙籤妬鄴侯。

分韻

趙觀

刻燭分題每夜深。此中端可托儂心。不貪彤管千秋業。自羨長城五字吟。

謝王徵君敘詩

薛素素

一篇勞見贈。字字氣凌雲。藝圃應無我。詞壇獨有君。偶曾吟拙句。何竟辱雄文。爭似山陰客。鵝羣報右軍。更要出語隨時。亦忌轉喉觸諱。

子弟家稱在行二字。半在談吐及時。

出語

詩一首

衛紫英

相逢纔片語。座上覺春生。勝致君應擅。心期妾轉縈。談諧推曼倩。唇舌藐君卿。曲室從傾倒。偏宜說麗情。

※伴黑者休言白者之瑩。對貧者勿誇富者之奢。

黑與貧。大略所諱。况可相形也。

詩詞無

※大家規矩。自是不同。科子行藏。終須各別。

居移氣。養移體。一見便決龍蛇矣。

大家詞一首

贈李昭

調念奴嬌

王玉英

鳳台鸞鏡。照雲鬟高髻。內家粧束。獨倚雕欄多俊朗。掩映碧梧翠竹。羞逞嬌癡。撩雲撥雨。溫香軟玉。最宜閒雅小窗。時話心曲。月下素質飄揚。舞衫歌扇。向風前羞縮。自愛芳蘭時紉佩。雅稱冰肌玉骨。笑語翩翩。衣裳楚楚。懶向烟花逐。端詳丰韻。殊是貯來金屋。

※駑駘遭遇。必藏騏驥之良。蚌蛤生輝。決蘊貝珠之貴。

所謂何地不生才者此也。陶鑄識拔。是在大善知識。倘魚目混珠。則伏櫪之歎。豪傑所不能已。

遭難

詩一首

贈河東郭一妹

趙觀

茅簷委巷任幽棲。門徑蕭蕭絕馬蹄。說與風流須自省。蓮花原是出污泥。
心心念念的人。不覺冷處着熱。閑處着忙。若厭者不須提起。

合意 詞一首

獨夜懷人

調更漏子

楊曉英

絳蠟殘。朱扉冷。細把那人思省。矜柳媚。惜花妍。相依情最憐。九迴腸。千番想。
何計重歡賞。鴛枕上解儂心。如君難更尋。
*敬事而及主。覩物以思人。

珍重玉郎親紙筆。幾回讀了又重封。是敬事及主也。長共短思量
着樣子。窄和寬想象着腰肢。是覩物思人也。舊註。

覩物 詞一首

寄友

郭湘雲

憶昔投璫期繾綣。盡日相思歡不見。郎情珍重妾難忘。掌上擎來時把玩。雙璧南金應不羨。燈下偷看腸欲斷。思君無計共追隨。覩物依稀如覩面。
*偷鞋若訕。剖帕見情。

闖寡門者。專以取妓物爲得意。而不顧其訕。庶幾妓有剖帕之贈。略可見情。

偷鞋 詞一首

戲題 調臨江仙

徐驚鴻

自愛鳳頭能窄小。踏春纖草剛填。綺窗徙倚尙稱艱。祇堪蓮上步。最懊酒中傳。豈是飛鳧仙子鳥。到今零落人間。無端竊去人嫌。毬場荒踣蹴。樂事罷鞦韆。

剖帕 詩一首

裂帛贈人

李素芳

一握輕綃手共分。綠窗剪破帶蘭芬。應知不是輕機杼。半束儂心半繫裙。
*屢問不言由意背。纔呼卽應爲情親。

此中要識得真。不然恐絮煩惹厭。

情親

詩一首

寄答吳興友人

趙觀

勝地何當君獨遊。別情知己付盟鷗。長才未識驂騑步。新句先題燕子樓。
*膠漆旣投。倘遇言差休見責。雲萍初會。如逢失禮莫生嗔。
交深則宜相諒。交淺則不宜認真。總之幫襯爲主。

詩詞無

*憎中曾致愛。訕久却成非。

憎中致愛。必有一種愛不能釋。憎其波瀾也。至訕不解而成非。特其常耳。

致愛 詩二首 詞一首

坐中卽事

李冠

愛久情偏忤。期多信轉渝。燈前羞對語。背擲繡香襦。

語陸中文

杜飛飛

歡來兩意濃於酒。自擬如君情未有。君貌君才妾獨憐。妾悲妾悲君知否。怨君冷眼腸偏熱。怨君情多語別更。一心直把掌中檠。一心番作刀頭折。相將共起合歡牀。啼笑緣君兩不忘。柔腸萬轉難憑着。除却思郎却恨郎。

悶中寄人

調蝶戀心

數日蘭閨增懊惱。倦啓歲鞋。恨感雙蛾小。薄倖不來音問杳。爲伊常自傷懷抱。

幾度尋思空自討。記得當時當時。密約成歡好。爲報風流重絕倒。莫教望斷王孫草。

✱行事太寬。却爲寬中而見悔。存心稍窄。多因窄處反投機。

專爲經紀嫖而說。

詩詞無

✱逢人誇盛德。是乃常爲。對友數歸期。亦其熟套。背後言語。常人最見真情。此則假中做出真也。

對友詩一首

致念

衛紫英

離亭風葉送君歸。無奈雙魚日漸稀。此際逢人問消息。番令愁淚欲沾衣。

※自薄漸厚者久。初重後輕者疎。

漸厚者情。後輕者利。

詩詞無

※事要乘機。言當中節。

烟花陣機關。在陣中人識之頗難。垂機亦大費手也。出言中節。慧心者可得。

詩詞無

※偏宜多置酒。莫怪不陪茶。

妓家惟酒爲宜。朝朝暮暮。不可暫徹。不陪茶是其舊例也。何足怪。

置酒 詩十五首詞一首

中秋夜月黃吉甫坐月

趙今燕

月從今夜滿。秋向此時分。莫惜金尊數，清光喜對君。

春日諸社文過小園賞牡丹各賦絕句見投

用韻和答四首

馬月嬌

露滋繡萼弄輕寒。把酒同君帶笑看。憶昔漢宮人去遠。阿誰今倚玉欄杆。

其一和張白門

春來百卉讓嬌姿。歡賞年年在。此期。月上酒深花欲睡。朱欄斜倚醉西施。

其二和柳二餘

石橋流水是行窩。春暖花開喜客過。玉學謾飛涯浦月。錦箏還趁郢人歌。

其三和程孺文

春風簾幕賽花神。別後相思入夢頻。樓閣新成花欲語。夢中誰是畫眉人。

其四和王肖淮

秋日邀何侍御飲得行字

薛素素

石頭城裏莫愁鄉。深媿儂家得擅場。江潤水晴鷗對浴。天空雲靜雁成行。繡衣半借芙蓉色。綠酒平分菖菑香。不是與君交意氣。敢將湯餅啖何郎。

中秋夜同蔡幼凝集楊姬舜華館中

薛素素

宮漏迢遙夜未闌。當筵詎減幔亭驩。論交莫厭情如水。投分真成氣似蘭。鸚鵡杯憐同姊把。鳳凰琴喜對君彈。姮娥解妬佳人面。不放冰輪出廣寒。

長橋宴客

薛素素

一尊聊卜夜。鰲背恣雄談。才減詩難得。情深酒易酣。點衣花片片。拂面柳毵毵。傾倒歡無盡。秋更報忽三。

何侍御席上書事

薛素素

中朝附馬解憐才。北海清尊日日開。共說繡衣能任俠。故教紅拂得追陪。高明
雜遝龍門敞。佳氣氤氳鳳闕迴。自愧芳年心未減。年年風絮舞章台。

春日同友飲秦淮舟中

薛素素

二水龍光繞。三山王氣連。舟浮桃葉渡。人醉杏花天。玉管隨歌扇。金釵墜舞筵。
幸逢同調客。不減挾飛仙。

桃葉渡頭同吳中翰坦愚飲

薛素素

何因蒲柳質。邂逅紫薇郎。歌吹迴雲影。杯盤帶夕陽。漫遊思博望。清興在濠梁。
不盡秦淮水。君情似箇長。

夏日飲吳太學載伯齋中

薛素素

楊柳簾櫳綠蔭多。黃鸝庭院午風和。共憐酒似秦淮水。痛飲頻聽玉樹歌。

飲陸山人無從齋中因贈

薛素素

尊酒淋漓譙。何因大陸家。腹中藏二酉。頭上戴三花。雲歇清歌度。詞慚白雪誇。共憐成雅會。情興若爲賒。

同蔡長卿孝廉飲因贈

薛素素

漫吟新句贈。聊當一枝春。豪飲若無敵。成文似有神。儂慚花比貌。君似玉爲人。會見傳臚日。芳名邁等倫。

贈陳九光

苗素

花下高歌夜月懸。佳人豐度更翩翩。當杯欲效平原飲。金釧時將作酒錢。

獨坐偶念與吳生疇昔暢飲輒成却寄

調醉蓬萊

尙紫蘭

記中宵燈下。共掩流蘇。緩斟佳釀。偎倚郎懷。正朱顏半醉。鱗雲鬢口脂薺澤。漫污青衫上。尙依稀別時。記得夷猶清賞。午晌低徊。曲闌深處。半怯餘醒。倍增離

况。檀板輕謳。更鴛幃歡昵。笑語溫存。渾疑似夢兒中片相向。爲謝多情。鸞牋試展。不禁惆悵。

陪茶 詩一首

品茶

趙觀

讀罷茶經一試茶。月團何處覓春芽。懷人欲作金莖露。只恐相如渴轉奢。
*串可頻而坐不可久。差宜應而債不宜詢。

頻串已不趣。况可久坐乎。此輩唯喜見銀到手。若代他完債。卽極力週旋。不見人情也。派差則酌而應之。還未失策。

頻串 詩一首

嘲友

呂楚卿

晚粧初拭鏡。客至罷鉛筆。舊識章台柳。頻探杜曲花。到門題鳳字。入座試龍茶。幾度逢迎罷。空庭日影斜。

✽舉止輕盈。終於賣俏。行藏穩重。乃可從良。

今從良者比比矣。若無駕馭之法。甯取穩重。庶幾易馴。然輕盈而有真性。則賣俏從良。同一轍也。

從良

詩五首詞三首

敘懷

徐月英

為失三從泣淚頻。此身何用處人倫。雖然日逐笙歌樂。常羨荆釵與布裙。

咏白鸚鵡求脫籍

周韶

隴上巢空歲月驚。忍看回首自梳翎。開籠若放雪衣女。時韶長念觀音般若經。

送周韶落籍

龍觀

桃花流水本無塵。一落人間幾度春。解佩暫酬交甫意。濯纓還見武陵人。
送周韶從良 胡楚

淡粧輕素鶴翎紅。移入朱欄便不同。應笑西園舊桃李。強勻顏色待春風。

自嘆

徐驚鴻

掩袂長吁好獨居。懶將脂粉鬪名譽。曲中幼女當知惜。莫望瓜期十五初。

自陳詞

調卜算子

嚴 蘖

不是愛風塵。似被前緣誤。花落花開自有時。總賴東君主。去也終須去。住也如何住。若得山花插滿頭。莫問奴歸處。

乞除樂籍詞上蘇州太守限九字

調西江月

韓愈文章蓋世。謝安才貌風流。良辰開宴在西樓。敢勸一杯芳酒。記得南宮高過。弟兄都占鰲頭。一門玉殿御香浮。名在甲科第九。

帥府席上求脫籍

調木蘭花

尹溫儀

浣花溪上風光主。燕夕桃源開幕府。商崑本是作霖人。也使閑花沾雨露。父兄
世業傳儒素。何事失身非類侶。若蒙化筆一吹噓。免得飄零飛繡戶。

青樓韻語

卷二

※初會處色。久會處心。困妓慕財。時妓慕俏。

色由心造。久會而心益堅。不必以色取也。俏不待財。既俏而財不竭。不但困妓慕也。

慕俏 曲一闋

贈張生

醉扶歸

馬 綬

向幽窗坐憶河陽貌。算風流不數六郎嬌。乍時相見便相拋。好教人鎮日縈懷抱。笑情癡空自悶無聊。怕君心不戀我閑花草。
※情不在貌。色要擇人。爲情者。嫖母可以同居。爲色者。西施纔堪並處。

俗云情人眼裏出西施。此可合看。

情不在貌 詩一首

戲成訊友

鄭秋容

朱顏綠鬢多狼籍。倦倚香奩矜粉澤。問郎何事獨鍾情。盡日相依偏見惜。

＊約以明朝。定知有客。問乎昨夜。決對無人。

首句恐失了主顧。次句防吃醋了。

約 詞一首

欺人

調千秋引

數整鶯期。重尋燕侶。誰信明河隔牛女。君情尙懷交甫佩。儂心敢忘藍橋杵。算佳期經幾度心相許。

無奈何情緣多齟齬。無奈歡娛成間阻。恨殺難逢伊共語。今宵乍冷秦樓月。明

朝好逐陽台雨。訴衷情鴛幃啓。杯重舉。
*走死哭嫁守。饒假意莫言易得。

五事最動人。哭嫁守者。纏綿牽繫。已不可解。走死更非好聲息。
。愈真愈不可解也。子弟至此須放一段真識力。真主張。方不墜
網。

走 詩二首詞一首

示李師顏

崔琦

已拚綵翼乘丹鳳。肯閉雕籠伴綠衣。前路莫愁風力勁。同志自誓一行歸。

秋夜語薩生

狄婉兒

團團月桂滿。藹藹秋蘭芳。桂影天外飄。蘭生王者香。賤軀入風塵。羞此桂蘭房。
歡狎但下帶。厭浥時沾裳。今喜得君意。長願侍君牀。雉朝雒嘉樹。鴛暮據盤桑。

擬載指南車。相將返北堂。共逐行雲去。瞻望明星光。銀鐙漫隱約。玉佩解鏗鏘。脫此圍鸞棲。盼彼遠羊腸。行歸作君婦。生死無相忘。

夜行詞

盧月容

儂家心意堅於鐵。囑郎休向人前洩。俏地出羅幃。中堂知不知。下堦花影亂。舉步蓮跟顫。此去莫重還。雞鳴客渡關。

死 詩九首

題梁上燕

姚玉京

昔時無偶去。今年還獨歸。故人恩義重。不忍更雙飛。

燕子樓詩

關盼盼

樓上殘燈伴曉霜。獨眠人起合歡牀。想思一夜情多少。地角天涯不是長。

北邙松柏鎖愁煙。燕子樓人思悄然。自理劍履歌塵散。紅袖香銷一十年。適看鴻雁岳陽回。又覩玄禽逼社來。瑤瑟玉簫無意緒。任從蛛網任從灰。

和白樂天

關盼盼

自守空樓欽恨眉。形同春後牡丹枝。舍人不會人深意。訝道泉台不去隨。

贈李章武

華州王氏

河漢已傾斜。神魂欲超越。願郎更迴抱。終天從此別。昔辭懷後會。今別便終天。新悲與舊恨。千古閉重泉。

題詩枕屏示章導

梁楚楚

兩意而今惜別離。焚香發誓告神祇。一條綵素雙雙掛。願學千年連理枝。

臨終寄丘郎

白歡

女身生命不自由。况復飄零離故丘。一朝失路墮虎口。同身共濟皆仇讎。念我

十一十二時。學書學字兼學詩。十三十四善歌舞。各擅教坊天下知。自傷微賤
倡家苦。躑躅不如堦下土。忍心託身事貴人。貴人難事如馴虎。朝來歡笑掌上
珍。日未旁午如路人。白雲蒼狗日萬狀。慘毒酷烈何酸辛。自分沉淪無出期。何
意得郎顧盼之。譬如解網肉白骨。再見枯樹重榮時。人心險惡不可測。未得事
君先永別。今生歡聚無復期。留取別時衣淚血。人生有生必有死。彭殤修短空
復爾。妾今身得死郎君。萬憾千愁不虛矣。佩郎所贈環。生死不相棄。報郎以此
詩。知妾死時意。不知遺骨棄何所。一片精魂逐君去。

哭 詩二首

咏淚

劉桂紅

不覺襟前落。寧知心已灰。欲流時萬結。難禁日九迴。寸寸啼中破。雙雙恨自催。

自然堪涕泗。非是聽猿哀。

咏懷

周文

幾點愁人淚。不許秋風吹。吹到長江裏。江流無盡期。

嫁詩三首

寄王魁

桂英

上都梳洗逐時宜。料得良人見卽思。早晚歸來幽閣內。須教張敞畫新眉。上國笙歌錦繡鄉。僊郎得意正疎狂。誰知憔悴幽閨客。日覺春衣帶系長。

歸鹽商解嘲

雅素美人

淡紅衫子淡紅裙。淡掃蛾眉淡點唇。只爲一生都着淡。故將身嫁賣鹽人。

守詩三首

寄張正字

譚意歌

瀟湘江上探春回。消盡寒冰落盡梅。願得兒夫似春色。一年一度一歸來。

寄元驥卿

朱逸仙

回首風塵似夢中。小窗深鎖為誰容。千行淚盡還心瘳。裂却迴腸恨未通。郎今多病如家令。妾自拚軀怨楚王。斜壓玉釵成獨夢。低垂玄髮繫柔腸。
* 抓、打、剪、刺、燒。總虛情其實難為。

抓打。惡習也。剪刺燒似乎情真。然一時慷慨者有之。惟百折不回。纔為真到底也。

抓 詞一首

踏莎行

劉元珍

蜂狂蝶恣。花眠柳醉。特地把人輕棄。燒香刺字總關情。爭似春纖留記。肌痕

爲質。指痕將意。總爲同心無二。莫教錯認是京兒。贏得麻姑相戲。

打詩一首

戲語方時亮

愛奴

意想青藜分痛。情濃素腕舒輕。郎是深憐小小奴。應恃愛卿卿。

剪詩一首

截髮詞贈裴生

杜巧兒

截髮爲君贈。粧台寄意深。願隨常作髡。妾罷白頭吟。

刺詩二首

答龔舍人

韓鷗兒

莫言刺臂是尋常。刺入儂肌痛入郎。試取血書和淚照。墨痕千載骨猶香。
夜夜歡來抱玉肌。忍將針刺損花枝。獨因說誓鏤心骨。痛徹皮膚總不知。

燒詞一首

贈情人詞

調揀香詞

鄭雲璈

明明的山盟共設。鬱鬱的爐香漫熱。怕情人心見別。貼香肌。把着人香燒徹。此
際情兒切。此後疤痕難滅。便做了冷痛熱還疼。須知是我和伊着疼熱。
*小非當釋。微愿須從。小非不釋。則巨患必興。微愿不從。則大事難期。

相忤止須一隙。相投只在一念。宜着細心。

詩詞無

✽俊友若攜愁奪趣。餘錢多帶定遭敲。

格言

俊友 詩一首

孔舍人招飲李昭齋頭適小友韓生至自白

下昭一見心許之戲題以贈

舞媚娘

尊開北海集羣仙。青眼朦朧意已傳。試問平原歌舞地。座中若箇似韓嫣。

✽村客遇俏姬。而俏姬情不在。中人請下妓。而下妓心反專。

奇花遇雨嬌含淚。飛絮沾泥意轉狂。一語確似。

村客遇俏姬 詩三首

解嘲

景翩翩

閨中自昔論紅線。俠氣縱橫頻掣電。來作處女君未知。去矣兔脫容誰見。世上

徒誇屋是金。明珠換骨不換心。一自臨邛罷綠綺。只今千載無知音。

青樓怨寄郭生

景翩翩

欲歌春望詞。誰是知音者。門口木蘭舟。常繫垂楊下。

兀坐掩房櫳。捧心詎嬌態。聞說金張兒。懶出堂前拜。

✽其趣在欲合未合之際。既合則已。其情在要嫁不嫁之時。既嫁則休。

未合時。有欲合想頭。趣味深長。已合則常而淺矣。要嫁時指望者重。不得不用情。既嫁則滿望矣。本來性格態度。於此盡露。大凡到此地位。滋味只得如此。

欲合未合口 詩一首 詞一首

寄答趙院判韻

蘇小娟

君住裏江妾住吳。無情人寄有情書。當時若也來相訪。還有於潛絹也無。

無畸屢辱過訪寄此見懷

調花心動

岳文

路接仙源。感劉郎時時暗傳芳信。惜玉憐香。調月嘲風。兩地當無憑准。佳期莫漫輕相許。常追憶三生薄分。信好事應難魘就。頓成愁悶。心口還相問訊。怕年少風流。浪尋花陣。獨倚畫欄。半掩朱扉。此意些時難忍。須知有日諧鴛侶。但只恐腰圍瘦沈。好音傳語多情。未須着緊。

✽託朋友以寄意。憑漸訕以調情。

朋友。篋片也。寄意非此等不能。訕。謔笑也。調情非此道不熟。

託友詩一首

秋日懷杜生值彥卿適至遂作書托寄賦此

蔣瓊瓊

當時一自叶琴心。悵別逢秋思不禁。憶爾豈應尋別調。逢人只是念知音。儘拚鏡匣辭膏沐。却似刀環望藁砧。今日馮君作雙鯉。一緘珍重莫浮沉。

漸訕 詞一首

答翁客 調踏莎行

蜀妓

說盟說誓。說情說意。動便春愁滿紙。多應念得脫空經。是那箇先生教底。不
茶不飯。不言不語。一味供他憔悴。相思已是不曾閑。那得工夫咒你。
*孤老表子。尙有偷期。才子佳人。豈無密約。

密約時時有之。但未必才子佳人耳。

密約 詩三首

坐吟

紅綃

深谷鶯啼別院香。偷來花下解珠璫。碧雲飄斷音書絕。空倚玉簫愁鳳凰。

答情人

妓邵氏

歲暮蕭蕭雨雪多。寒威入戶墮金梭。忽聞青鳥傳消息。爲問佳期更若何。

戲題

姜舜玉

花知妾意纔含笑。柳見郎來忽作眠。幾度欲將羅帶解。只愁鸚鵡向人傳。

＊小信勿失。私語當聽。

子弟家專以信實見聞。私語更宜細心體察。或真或假。或合或離。此大關節也。

私語 曲一闋

示李生

桂枝香

薛素素

纖陽墜暝。蒼堦月冷。向多情欲訴衷腸。又恐怕傍人私聽。低低喚郎。低低喚郎。

與你潛行花徑。把心期偷訂。更叮嚀。莫向人前語。空耽薄倖名。

＊雖性易馴。一馴而易失。蒼心難好。一好以難灰。

少不更事。故易馴。不若半老佳人可共也。

蒼心 詩一首

秋日書懷

周 瓊

閣外秋風褪柳絲。摧殘似妾近來時。花間響絕藏歌扇。匣底香含剩口脂。漸向
粧樓慚傅粉。每聞清磬欲披緇。傷心佇立斜陽下。獨把殘花寄所思。
＊感額告乎家事艱。知其相索。瑣眉訴乎借貸廣。欲我相償。

可應則不待索而應。應而復索。實難爲情矣。

感額 詩一首

自嘆

文麗容

旋典春衫不計貧。還將緩急付誰論。到門只有徵逋客。折券誰爲市義人。
四壁經書無長物。一燭獨夜有閑身。蕭蕭風雨連朝至。倚遍寒燈欲愴神。
*休認有意追陪爲有意。莫將無心言語作無心。

言貌之中不可忽。言貌之外。更不可不思。

追陪 詩四首

擬古四首

李清音

郊園襟嘉樹。沙渚臨芳叢。相將弋鳧鷹。從郎輶角弓。
相歡愜魚水。共戲水中坻。操舟采蓮罷。從郎理釣絲。
鳴琴喜在御。願得一再彈。操作求鳳引。從郎調素絃。
對酒且當歌。酒勝鬱金香。薄醉轉青盼。從郎飛羽觴。
*虛囂者易跌。尊重者難調。

嘗聞友云。人有一種溫氣。與風流場相宜。虛囂者正相反。妓若有溫氣。則意理深重。似乎難調。然大成者。快此人也。溫去聲。

詩詞無

※誇己有情。是設掙家之計。說娘無狀。須施索鈔之方。

一箇做歹。一箇做好。纔賺得銀子。大是買賣方法。

誇己 詞一首

示友

調蘇幕遮

劉勝

恨桃花。憎柳絮。何事春來。浪逐東風去。邂逅從君花下語。無那情癡魂夢偏傾注。楚台風。巫峽雨。暮暮朝朝。無計重相遇。背處偷彈雙玉筍。笑我多情番爲多情誤。

※留意於顧盼之內。發情於離別之間。

彼自弄其眉目。癡人認作顧盼。况真顧盼也。而離處期合。更易動情。

顧盼詩一首

病中對友

病起共偎依。相持籠玉腕。憔悴罷紅粧。多君獨流盼。

沙羽儀

離別詩六十一首詞六首曲一闕

別李郎中

花落梧桐鳳別凰。想登秦嶺更淒涼。安仁縱有詩將賦。一半音詞雜悼亡。

薛濤

送姚員外

萬條江柳早秋枝。裊地番風色未衰。欲折爾來將贈別。莫教烟月兩鄉悲。

薛濤

送鄭資州

薛濤

雨暗眉山江水流。離人掩袂立高樓。雙旌千騎駢東陌。獨有羅敷望上頭。

江亭宴餞

薛濤

綠沼紅泥物象幽。范汪兼倅李并州。離亭急管四更後。不見公車心獨愁。

贈遠二首

薛濤

芙蓉新落蜀山秋。錦字開緘到是愁。閨閣不知戎馬事。月高還上望夫樓。擾弱青蒲綠又齊。春深花落塞前溪。知君未轉秦關騎。日照千門掩袖啼。

送友人

薛濤

水國蒹葭夜有霜。月寒山色共蒼蒼。誰言千里自今夕。離夢杳於關塞長。

席上贈薛宜僚

段東美

阿母桃花方似綿。王孫草色正如煙。不須更向滄溟望。惆悵歡情恰一年。

明月夜留別

李 冶

離人無語月無聲。明月有光人有情。別後相思人似月。雲間水上到層城。

留別廣陵故人

李 冶

無才多病分龍鍾。不料虛名達九重。仰媿彈冠上華髮。多慚拂鏡理衰容。

送韓揆之江西

李 冶

相看折楊柳。別恨轉依依。萬里西江水。孤舟何處歸。湓城潮不到。夏口信應稀。惟有衡陽鴈。年年來去飛。

送閻二十六赴剡縣

李 冶

流水閭門外。孤舟日復西。離情遍芳草。無處不悽悽。妾夢經吳苑。君行到剡溪。歸來重相訪。莫學阮郎迷。

祖餞賓僚

鄂州妓

趨承階所蒙存顧。再拜軒中悵別離。驛舍酒醒霜月曉。淚痕無路到門楣。

送人

蘇桂亭

交情何草草。別思更悠悠。有夢見郎面。無書寄隴頭。頻將別時淚。化作江水流。風波不可散。點點逐君舟。

送人

朔朝霞

秋風江上送君舟。落葉江楓總別愁。解纜不知人去遠。憑闌猶倚夕陽樓。

贈人

妓楊

揚子江邊送玉郎。柳絲牽挽柳條長。柳絲挽得吾郎住。再向江頭種兩行。

冬夜別顧參軍席上得春字

趙燕如

舉酒憐心舊。看衣識淚新。纔爲詩酒友。又作別離人。今夜一天月。明朝兩地春。好因江上柳。折得寄頻頻。

別黃玄龍

崔重文

昨夜羅幃始覺霜。馬嘶寒影候嚴裝。曉燈欲暗將離室。不道離情畏曙光。
九月江南似小春。偷閒花鳥殢歸人。粧樓直對長千道。愁見陌頭起暮塵。
楓葉鴉翻秋水明。長橋衰柳古今情。尋常歌板銀罌地。從此傷離不忍行。
華琚賦別酒初醺。水調吳歌夜入雲。此曲由來能解恨。一時淒切半緣君。
君心未去妾先行。相顧無聲覺淚聲。別後何人照憔悴。空餘明鏡解含情。
莫輕春夢薄殘緣。款語關心十五年。覆水落花難再合。匣琴從此怯危絃。
留君再住委淒其。少住歡悰轉益悲。欲絕不知因底事。將無真作有情癡。
亦道三秋只暫時。骨驚魂絕已難支。章台二月春風裏。莫寄空函付柳絲。

送期蓮生還里

鄭如英

肌膚瑩雪腰如柳。鬢髯秦淮渡口桃。幾度爲郎圍漸減。不知何日可同巢。

忽忽支牀氣不揚。春山半感謾呼郎。好花不耐寒霜妬。一日那堪九轉腸。
乍見寒梅已落花。香魂暗遞阿誰家。溪橋波影成何事。水漲春蕪可及瓜。
謾把金爐柏子燒。小窗離思轉無聊。郎今欲去留難住。夢遶黃山路漸遙。

與蘇生談別

景翩翩

十日平原酒。三秋江上船。一經搖落後。明月幾回圓。
月出人未來。月缺人已去。好共惜餘輝。相求直至曙。
道是愁無極。還教仗醉魔。誰知醒時意。說向醉中多。

送張孝廉

景翩翩

柳絲細織曉煙青。惻惻春寒長短亭。馬度山腰蹄尙懶。濕雲如夢未全醒。

贈庠士傅春謫戍詩

齊錦雲

一呷春醪萬里情。斷腸芳草斷腸鶯。願將雙淚啼爲雨。明日留君不出城。

別孫子真

郝文珠

江左多名彥。惟君獨擅奇。興公山入賦。摩詰畫兼詩。交憶重遊處。人憐再晤時。分攜且莫恨。千載托心期。

送友上春官

淮安妓

淮草青青淮水渾。安排柔櫓送王孫。明年三月桃花發。君聽傳臚妾倚門。

柳枝詞送友

索四娘

帶雨多雲百尺長。折來空自斷人腸。柳絲繫得郎舟住。再向江邊插幾行。

覽鏡貽別

劉桂紅

離別牽腸淚不禁。願君常記白頭吟。相看台上菱花月。莫照容顏照妾心。

別離曲

南陽娼婦

妾家鄭侯國。肯媿邯鄲姝。世本富繒綺。嬌愛比明珠。十五學組訓。未嘗開戶樞。

十六失所適。姓名傾里閭。十七善歌舞。使君要宴娛。自有茲樂府。不得同羅敷。涼溫忽荏苒。屢接朝大夫。相歡不及情。何異逢路衢。昨日見一郎。目色曾不渝。結愛從此篤。暫隔猶云疎。如何遂從宦。去涉千里途。郎跨青驄馬。妾乘白雲駒。送郎郎未遠。別妾妾仍孤。不如水中鱗。雙雙依綠蒲。不如雲中鵠。兩兩下平湖。魚鳥尙有託。妾今誰與俱。去去約春華。終朝怨日賒。一心留杏子。便擬見梅花。梅花幾時吐。頻搯欄杆數。東風若見郎。重爲歌金縷。

小春十七夜送張幼于

馬月嬌

故人一別久。千里隔山川。乍見渾疑夢。相看各問年。挑燈腸欲斷。祖酒思還牽。此際堪愁恨。浮生愧薄緣。

冬日留別

馬月嬌

恩愛朝相暮。那堪愁自深。樽前一杯酒。江上百年心。荏苒悲離况。蕭條淚染襟。

河橋漫分手。春日望登臨。

送友還岳口

趙觀

匹馬新安道。淒然怨北風。霜空過白鴈。秋色老丹楓。寂寂離魂遠。悠悠去路通。好因山店月。爲我理孤桐。

別人

謝爾珍

無言終日倚朱樓。虛度韶顏二十秋。夜月停脣君易去。春風鼓棹妾難留。三生有幸逢司馬。七夕無緣並女牛。惆悵不堪回首處。離心遮莫寄東流。

送沈嘉則遊廣陵

趙今燕

秋風吹送木蘭舟。處處青山待隱侯。莫向尊前歌玉樹。揚州花落使人愁。

送別

趙今燕

淼淼春江上。孤舟去莫留。思君若流水。日夕伴行舟。

送王仲房還新安

暮雪江南路。孤城尊酒期。殷勤折楊柳。還向去年枝。

暮青江上送別

趙今燕

一片潮聲下石頭。江亭送客使人愁。可憐垂柳絲千尺。不爲春江縮去舟。

送張幼于還吳門

趙今燕

花前雙淚濕衣裾。把酒紅亭落日餘。此去吳天霜橘滿。逢人好寄洞庭書。

別蔡幼凝

薛素素

記得相逢二月春。桃花如錦草如茵。黃鸝兩兩成佳偶。綠柳絲絲縮住人。千金不惜重然諾。意氣慷慨欣所託。比翼鳥兮連理枝。私語叮嚀莫教錯。那堪風雨妬芳菲。嘆息韶華得幾時。自是鴛鴦春夢斷。番成一段別離悲。羅衫紅濕啼痕透。可憐酒醒愁依舊。須知何處更思君。月明人靜黃昏後。

燕巖送別

王堯珠

黯然牽袂江水清。蘆花蓼花夾岸迎。枕邊一字一含情。何日乘鸞慰生平。燕巖
徘徊臨崢嶸。可憐須臾別離輕。妾遭迍遭君遠征。同心同厄不同行。西湖良晤
亦浮萍。春華幸愛金玉盟。屏營軒車淚兩傾。江天片片愁雲生。飛鴈嘹嘹自哀
鳴。願假晨風千里程。送以賤軀秋月明。

別友

呂風苗

慎真每向夢中留。無計殷勤挽去舟。愁聽離歌彈別淚。可憐憔悴似悲秋。

敘別

王觀微

祖帳迷離候館鴉。送君南浦碧輪斜。萋萋輾破王孫草。寂寞芙蓉江上花。
雲橫釵鬢亂雙鴉。目斷鱗鴻日欲斜。幾度夢迴愁索寞。一簾月浸紫薇花。

送別

王觀微

花下逢君又送君。鶯儔燕侶自紛紛。關情此際腸應斷。愁倚西窗日暮雲。
紅亭煙拂柳如絲。一曲驪歌是別時。徙倚紗窗愁寂寞。論心何處覓相知。
一杯一曲一傷神。疊破陽關恨轉新。此去不知何處宿。鷄鳴猶是夢中人。

送別

王觀微

方爲賦驪句。隨爲賦折柳。賦曲苦未終。別淚沾紅袖。爾別何所遊。月明江上舟。
異日思君處。憑闌逆去流。

送別

調惜分飛

吳淑姬

岸柳依依拖金縷。是我朝來別處。惟有多情絮。故人衣上留人住。兩眼啼紅
空彈與。未見桃花又去。一片征帆舉。斷腸遙指苕溪路。

答盧疎齋

調落梅風

珠簾秀

山無數。烟萬縷。憔悴殺玉堂人物。倚蓬窗。一身兒活受苦。恨不得隨大江東去。

送行

蜀妓

欲寄意渾無所有。折盡市橋官柳。看君着上征衫。又相將放船楚江口。後會不知何日。又是男兒。休要鎮長相守。富貴無相忘。若相忘。有如此酒。

送太平詞

調賀新郎

平江妓

春色元無主。荷東君着意看承。等閑分付。多少無情風浪。又那更蝶欺蜂妬。算燕雀眼前無數。縱使簾籠能愛護。到如今已是成遲暮。芳草碧遮歸路。看看做到難言處。怕見仙郎旌旗輕易。歌襦袴。月滿西樓。絃索靜雲蔽崑城。闐府便任地。一帆輕舉。獨倚闌干愁碎。慘玉容淚眼如紅雨。去與住。兩難訴。

餞齊參議還山東

調太常引

劉燕歌

故人別我出陽關。無計瑣雕鞍。今古別離難。兀誰畫蛾眉遠山。一尊別酒。一聲杜宇。寂寞又春殘。明月小樓閒。第一夜相思淚彈。

送人入朝賦玉環

陳鳳儀

蜀江春色濃如霧。擁雙旌歸去。海棠也似別君難。一點點啼紅雨。此去馬蹄何處。沙堤新路。禁林賜宴。賞花時。還記得西樓未。

口占贈張生

張文

門掩梨花院。風折蘭芽淺。張冷流螢度。人去鶯期遠。舊恨新愁。怕見雙雙燕。芳心不逐飛蓬轉。想到乍會旋離。淚添幾線。天天妬這姻緣。漫自把絳蠟高燒。與君驪歌唱一遍。

咏繡鞋贈別卽席

七犯玲瓏

景翩翩

香羅帶。誰將軟玉纏。半遮湘綺邊。香塵幾度嬌還顫。梧葉兒端的可人憐。何事雲同剪。偏誇月上絃。水紅花記從前。脚跟無線。把文綦利屣穩趨別離船。皂羅袍學王喬飛鳥傍君旋。做昭陽弱羽隨風轉。踏歌垂手。當年綉筵。行雲駐足何

時錦氈。桂枝香。夜色寒羅襪。春心托杜鵑。排歌情蹤遠。色界懸。空教綠漾與紅傳。黃鶯兒不若步中蓮。

＊只須應馬呼牛。最要手長脚短。

難道摸稜至此。

詩詞無

＊彼若傳情須接應。不然失望。伊如逆意要知機。不然遭閃。

接應者。惺惺惜惜惺惺也。知機者。有心待有心也。不然是呆漢了。

傳情詩一首

卽席贈友

苗素

自入章台藉。傾心獨解頰。最宜閑處想。偏向意中人。流盼馳神久。關情度曲新。

燈前一共話。滿座自生春。

※交愈久而敬愈衰。此其本意。年漸深而情漸密。乃是真心。

事熟人頑。全靠阿堵振其怠慢。真心密者。能有幾人。

情密山 詩一首

對友感懷

趙觀

感郎耽夙愛。着意守香奩。歲月都忘遠。情悰任久淹。于飛期燕燕。比翼誓鸚鵡。細數從前意。時時屈指尖。

※使鈔偏宜慷慨。討情全在工夫。

諺云。一要功夫。二要錢。予云。工夫還第一。

討情 詩一首

示友

陳瓊芳

郎意殊難得。儂心最足憐。三秋縈別恨。一夕悵良緣。未即隨人合。惟知待月眠。迴文如可織。機杼欲經年。

※潘安孔兄同路。而使妓歡。翼德味道并驅。不遭人譏。

水滸傳曰。潘驢鄧小閒。一字少不得。

詩詞無

※只可以片時之樂。而觀往日之仇。不可以一朝之訕。而廢平日之好。

此中易起風波。當平情以鎮之。

廢好 詩十一首

十離詩上浙東元相公

薛 濤

犬離主

馴擾朱門四五年。毛香足淨主人憐。無端咬着親情客。不得紅絲毯上眠。

筆離手

越管宣毫始稱情。紅牋紙上撒花瓊。都緣用久鋒頭盡。不得羲之手裏擎。

馬離厩

雪耳紅毛淺碧蹄。追風曾到日東西。爲驚玉貌郎君墜。不得華軒更一嘶。

鸚鵡離籠

隴西獨自一孤身。飛去飛來上錦裯。都緣出語無方便。不得籠中再喚人。

燕離巢

出入朱門未忍拋。主人常愛語交交。啣泥穢污珊瑚簾。不得梁間更壘巢。

珠離掌

皎潔圓明內外通。清光似照水晶宮。都緣一點瑕相穢。不得終宵在掌中。

魚離池

戲躍蓮池四五秋。常搖朱尾弄綸鈎。無端擺斷芙蓉朵。不得清波更一遊。

鷹離鞮

爪利如鋒眼似鈴。平原捉兔稱高情。無端擻向青雲外。不得君王手裏擎。

竹離亭

蒼鬱新栽四五行。常將勁節負秋霜。爲緣春筍鑽牆破。不得垂陰覆玉堂。

鏡離臺

鑄寫黃金鏡始開。初生三五月徘徊。爲遭無限塵蒙蔽。不得華堂上玉臺。

舟中自嘆

周月仙

自嘆身爲妓。遭淫不敢言。羞歸明月渡。懶上載花船。

✽寄謎總佳。饒汝聰明多費想。復爐雖美。任君伶俐也遭虧。

謎中頗有奇思。猜猜倒有趣。復合之做偏易犯。實是吃虧了他。

寄謎 詩一首 詞一首

寄趙維翰

周冠

雪融雲淨滿天光。明海國扶桑擁太陽。日厭滄行人沾曉露。早楚宮幽夢到高

唐來

岳無文以詩謎寄人賦此戲調

調清平樂

衛紫英

幽情密愛。斷送人無賴。料得郎心深自解。尺素藏將機械。字字藍橋着意。聲坐峽縈懷。縱使社家了悟。也須幾度驚猜。

復爐 詩一首

喜王生再至

李元

已道成離別。思君獨愴神。寧期愁病裏。復對意中人。笑語情逾密。隈依興轉頻。

挑燈清漏水。恍忽夢相親。

贈友

調傳言玉女

劉佩香

何處好風吹到乘槎仙客。經年記憶對面翻羞澀。相偎相倚。檻外女牛剛集。黃
埠漁聲。惠泉茶色。別後時時獨倚欄。情何極。今宵一夜。勝往時千刻。纔得爲
歡。又恐天南地北。牽衣淚漬。露華更濕。

※妓鑽龜而有玷。朋截馬以無能。

圖通他家之龜曰鑽。龜盜朋友之妓曰截馬。
妓鑽龜。自喪其品也。而朋友之品不可喪。

詩詞無

※寧結無情緣。且莫飄有意龜婆。

到妓家。止可見妓。此外一箇也來不得。如看妓帖。所謂方巾者

。何人哉。

詩詞無

※乖人惟奪趣。癡客定爭鋒。

爭鋒從奪趣而生。皆認真之太過。

奪趣 詩一首

酒半示友

周 嫩

心期欲吐酒初酣。蟬鬢斜欹墮寶簪。奈得樽前多白眼。桃花流水好重探。
※諛言疊至知相索。訕語頻來定要開。

要錢而諛。無錢而訕。離合係於此。

詩詞無

＊跳槽難求實好。梳籠惟慕虛名。

雜情人。怎當得妓家更雜。然梳籠亦一時好勝。難說實好也。

寄友

馬月嬌

怪彼金夫鄙。應同櫪馬看。無人不愜意。隨處欲交歡。蕩志他偏熱。盟言我可寒。寧拚借廝養。薄命比邯鄲。

怨詞寄友

趙婉容

郎心如柳絮。飄蕩任風旋。縱有雙南贈。終無百歲緣。盟言徒謔浪。恩愛豈纏綿。番妬春來燕。雕梁比翼眠。

梳櫳 詩四首

新粧美人爲李慶英賦

徐驚鴻

何彼穠如李。爭誇是阿娟。方將鬪草日。正在破瓜年。墮馬鬟初髻。盤鴉髻僅全。娉娉還小小。無處不堪憐。

答詩

李慶英

自昔瓜初破。翻羞李是仙。小開連理竇。微創合歡眠。綽約非姑射。便娟豈洛川。敢矜年最少。惟倚壻相憐。

贈女弟觀

呂楚卿

一捏纖腰妬小蠻。日高猶自躡香鬟。含羞不奈人調笑。半掩輕羅感遠山。

自敘

李瑣

可憐落籍向青樓。強對人前祇自羞。最是多情相愛處。教人佯笑轉含愁。

青樓韻語 卷三

※莫將勢壓當以情親。

泛泛走動。勢利全不可少。非所以論情處。

勢壓 詩一首

口占

周文

金炊玉饌滿行廚。不惜傾囊向酒壚。忽謾相逢便相許。比來專畏霍家奴。
※討好則千日不足。搜過則一時有餘。

討好時費盡苦心。一朝棄之。可嘆可嘆。

討好 詩一首

卽事

着意就歡濃。慇懃共追逐。但得心見憐。何須貯金屋。

＊頻頻喚酒不來。厭房中之久坐。疊疊呼茶甚急。願堂上之速行。

孔北海所謂座上客常滿。樽中酒不空。安得移來此地。

詩詞無

＊口頭寄信非無意。眼角傳情實有心。

此套慣用。然亦不濫。

寄信 詞一首

托星甫寄念顧源長

調絳都春

蔣 愛

相思愁寂。問玉郎何事音塵遼絕。瘦削楚腰。恨感雙蛾。情千結。幾回倩託人傳。爲我密語多情親切。自憐繡幕。傷心誰訴。弓鞋輕趺飛越。良宵夢寐誰爲伴。只有疎櫺寒月。畫閣懶憑。繡裙輕褪。香羅摺。縱然一晌貪歡。也暫得片時寧貼。須知此際傳情。祇勞唇舌。

傳情 詞一首

憶昔

蝶戀花

劉月香

憶昔逢人多阻礙。兩地鍾情。恨瑣雙眉黛。謝得檀郎多盼睐。迴眸勾引人無賴。我亦秋波傳密愛。暗約雲期。好把心兒耐。若使佳期還可待。目成座上何妨再。
*題詩而寄意。歌曲以伸情。

詩不倩人。曲無習氣。自是佳麗。

寄意

詩四十一首 詞四首 曲一闕

贈謝府君

吳興妓女

玉釵空中墮。金鈿已行歇。獨泣謝春風。長夜孤明月。

寄阮郎

張碧蘭

郎如洛陽花。妾似武昌柳。兩地惜春風。何時一攜手。

上韋相公

薛濤

聞道邊城苦。而今到始知。却將門下曲。唱與隴頭兒。

柳絮

薛濤

二月楊花輕復微。春風搖蕩惹人衣。他家本是無情物。一任南飛又北飛。

和禮書記席上見贈

薛濤

翩翩射策東堂秀。豈復相逢豁寸心。借問風光爲誰麗。萬餘絲柳翠煙深。

上王尚書

薛濤

碧玉雙瞳白玉郎。初辭天帝下扶桑。手持雲篆題新榜。千萬人家春日長。

青郊遊眺寄孫處士

薛濤

低頭久立白薔薇。愛似零陵香惹衣。何事碧鷄孫處士。百勞東去燕西飛。

今朝繼自說芳菲。夾纈籠裙繡地衣。滿袖滿頭兼手把。教人識是看花歸。

寄張元夫

薛濤

前溪獨立後溪行。鷺識朱窗自不驚。借問人間愁寂意。伯牙絃絕已無聲。

池上雙鳧

薛濤

雙棲綠池上。朝去暮飛還。更憶將雛日。同心蓮葉間。

蟬

露滌音清遠。風吹故葉齊。聲聲似相接。各在一枝棲。

月

魄依鈎樣小。扇逐漢機團。細影將圓質。人間幾處看。

風

獵蕙微風遠。飄絃唳一聲。林稍鳴淅瀝。松徑夜淒清。

贈盧夫人

常浩

佳人惜顏色。恐逐芳菲歇。日暮出畫堂。下堦見新月。拜月仍有詞。傍人那得知。歸來玉台下。始覺淚痕垂。

贈友人

常浩

聞道東山逸興多。爲憐明月映蒼波。不辭紅粉隨君去。其奈蒼生有望何。

戲贈

趙虛舟

砌下梧桐葉正齊。花繁雨後壓枝低。報道不須鷗鳥亂。他家自有鳳凰棲。

迴文

詩四絕

薛氏

春

花朵幾枝柔傍砌。柳絲千縷細垂風。霞明半嶺西斜日。月上孤村一樹松。

夏

涼回翠簾冰人冷。齒沁清泉夏井寒。香篆裊風青縷縷。紙窗明月白團團。

秋

蘆雪覆汀秋水白。柳風凋樹晚山蒼。孤燈客夢驚空館。獨鴈征書寄遠鄉。

冬

天凍雨寒朝閉戶。雪飛風冷夜關城。殷紅炭火圍爐煖。淺碧茶甌注茗清。

寄友

王福娘

苦把文章邀勸人。吟看好箇語言新。雖言不及相如賦。也直黃金一二斤。

寄紅箋

王福娘

日日悲傷未有圖。懶將心事話凡夫。非同覆水應收得。只問僊郎有意無。

擲紅巾詩

王福娘

久賦恩情欲托身。已將心事再三陳。泥蓮既沒移栽分。今日分離莫恨人。

酬天水光遠

萊兒

長者車塵每到門。長卿非慕卓王孫。定知羽翼難隨鳳。却喜波濤未化鯤。嬌別翠鈿粘去袂。醉歌金雀碎殘樽。多情多病年應促。早辦名香爲返魂。

爲裴思謙及第賦

平康妓

銀缸斜背解鳴璫。小語偷聲賀玉郎。從此不知蘭麝貴。夜來新惹桂枝香。

寄人

胡楚

不見當時丁令威。年來處處是相思。若將此恨同芳草。却恐青青有盡時。

賦香篆時

溫婉

一縷祥煙綺席浮。瑞香濃膩繞賢侯。還同薄命增惆悵。萬轉千回不自由。

贈陳夢和

周氏

夢和殘月過樓西。月過樓西夢已迷。喚起一聲腸斷處。落花枝上鷓鴣啼。

題金山寺壁示雙漸

蘇小卿

憶昔當年折鳳凰。至今消息兩茫茫。蓋棺不作橫金婦。入地當尋折桂郎。彭澤曉烟迷宿夢。瀟湘夜雨斷愁腸。新詩寫記金山寺。高掛雲帆上豫章。

贈張子行

劉季招

華堂芳讌錦屏稠。君是瓊筵第一流。何日五陵金勒馬。玉鞭遙指望江樓。

懷人

馬月嬌

自有同心好。方成結髮。綉衾同倚玉。相愛復相憐。願效比目魚。相隨不相離。願效鴛鴦鳥。朝朝共棲。比目鴛鴦真可羨。雙宿雙飛無間斷。彩毫題此寄多情。但願君情莫負盟。

贈舉子

龐文英

昨夜凌風上廣寒。五雲深處恣盤桓。休教影散瑤池會。還許飛瓊月下看。

贈友

存兒

寥落山城露草光。坐殘明月夜生涼。何時重把幽情寫。爲解絲桐出錦囊。

自題

金端行

幾縷芳心托素絲。陽春一曲寄相思。六花帶雨投絃急。三白回風入指遲。初逐落梅迷鴈足。半隨飛絮入龍池。江南尙有知音在。何必黃金鑄子期。

夜坐作寄友

李筠

夜久燈花落。液液滿銅荷。乃知消息口。榮口憂患多。客中頻見月。貪立露華冷。徘徊欽衣袂。愁人畏見影。

和期蓮秦淮怨別

鄭如英

鴛鴦何事各分飛。從此看口冷翠幃。前期雖訂蓮開會。但恐蓮開君不歸。君心果不負蓮期。儂意欣隨奉筵時。又恐相思先送却。囑君歸早莫歸遲。

望月詩寄人

鄭如英

悠然有所思。倚樓望明月。憶昔共儂歡。清歌月下發。離別杳難逢。坐令愁白髮。

秋夜寄張孝廉

景翩翩

天上銀河一色秋。梧桐疎影掛牽牛。闌干玉露三更靜。曲奏霓裳何處樓。

贈王生

景翩翩

把筆瀟湘五月秋。灞橋流水贈驂騑。幽蘭却怨江南柳。蘭爲相思柳爲愁。

答施酒監

調卜算子

相思似海深。舊事如天遠。淚滴千千萬萬行。更使人愁腸斷。要見無因。見見了終難拚。若是前生未有緣。得重結來生願。

寄李之問

調鷓鴣天

聶勝瓊

玉慘花愁出鳳城。蓮花樓下柳青青。清尊一曲陽關後。別箇人人第五程。尋

好夢夢難成。况誰知我此時情。枕前淚共芭蕉雨。隔箇窗兒滴到明。

戴公得請玉局之司作詞贈之

調滿庭芳

僧兒

團菊包金。叢蘭減翠。成秋暮風煙。使君歸去。千里倍潛然。兩度朱旛鴈水。全勝得陶侃當年。如何見。一時盛事。都在送行篇。愁煩梳洗懶。尋思陪宴。花月湖邊。有多少風流往事縈牽。聞道霓旌羽駕。看看是玉局神仙。應相許。冲霄披霧。一到洞中天。

寄人

粉蝶兒

歌妓王氏

江景蕭疎。更那堪楚天秋暮。占西風柳敗荷枯。立夕陽空凝竚。江鄉古渡。水接天隅。恨瀟灑晚山煙樹。

三年一歲添。半載兩誕遇。

匿齒不得已也。假生日。殊可笑。

遇誕詩一首又一聯

誕日感懷

周瓊

荏苒逢初度。驚心恨轉賒。自憐徒夢雨。無計問餐霞。漂渺思縣圃。飄零愧狹斜。芳華看漸減。羞對舊菱花。

壽趙燕如

劉桂紅

身如珠樹會棲鶴。手植瓊花自玩人。

＊贈香茶。乃情之所使。投果核。則意欲相調。

贈香投果。大方家不作久矣。吾杭惟沙寶尙行之。

贈香詩一首

贈香

王觀微

花堦月冷蒼煙暝。手握都梁暗偷贈。窺人自擬遇韓郎。入座何須慕荀令。

投果 詩一首

夏日同友戲操小舟共采蓮房佐酒漫賦紀

金端行

扁舟蕩漾手親操。共摘蓮房對濁醪。好語玉郎須着意。他年慎勿比餘桃。
*數四相求方見面。欲抬高價再三反。挽板情。防有別因。

有聲價者。不必搭架子。而規模自在。視倚門者。真如天淵。
反挽板情。決有希冀。

數四相求 詩一首

病中答謝友人

衛紫英

病起逢秋愧索居。感君相念轉踟躕。枇杷花下寧相避。肯負青鸞數寄書。

再得二二反浼詩二首詞一首

挑陳陶

妓蓮花

蓮花爲號玉爲腮。珍重尙書遣妾來。處士不生巫峽夢。虛勞神女下陽臺。

獻張子野

龍觀

天與羣芳十樣葩。獨分顏色不堪誇。牡丹芍藥人題遍。自分身如鼓子花。

續尙書全子仁梅子歌

調清江引

劉婆惜

青青子兒枝上結。引惹人攀折。其中全子仁。就裏滋味別。只爲你酸留意兒難棄捨。

＊癡心男子廣。水性婦人多。

癡心則妄想。水波易流。大略男子。吃婦人虧也。

詩詞無

＊他奸要識。隣美休誇。

見要明。口要緊。便稱合式。

鄰美 詩一首

寄陳八玉英時留姑蘇

趙今燕

何處簫聲獨上樓。傷心桃葉水空流。一從南國香銷後。誰復佳人字莫愁。
＊久於舞榭。易結好緣。纔入歌台。便生惡悔。

從風塵中淘鍊過來。易爲結納。「舊註」惡晦生瘡也。學嫖者。往往受其毒。

詩詞無

＊枕席雖盡乎情。彼此各了其事。

二句絕佳。殊殺風景。

枕席

詩四首曲一闋

同寢贈司馬樵

蘇小小

長天空闊鴈來盡。深院落花鶯更多。發策決科君自爾。求田問舍我如何。

贈歸人

蘇蟬翼

郎去何太速。郎歸何太遲。欲借一樽酒。共飲十年思。

贈情人

李月素

感郎千金意。含羞抱郎宿。試作帳中音。羞開燈前目。

卽事

阮碧雲

東君情意漲如瀾。畫閣鴛衾夜不寒。十二樓中春色透。好花開遍玉闌干。

贈友 步步嬌

董如瑛

燈前笑擁芙蓉面。鬢髻雲鬟亂。偏喜夜如年。夢怯陽台。自覺情見倦。欹枕並香肩。喘吁吁不奈多嬌顫。

※入門來大小皆驚舊曰狼相見時僮僕亦喜舊曰和

平日溫柔。則喜而不驚。

詩詞無

※最要鴛歡舊曰作豈宜揉悅舊曰

亦是一法。但恐忒在行耳。

詩詞無

※棄屋借錢因戀色。其意安乎。舊曰披露帶月為扳情。是誰迷也。舊曰

到此情景。都顧不得。安得揚枝一滴水。破其春夢也。

披霜帶月 詩一首

贈友

舞媚娘

城烏未起霜華冷。落月依依墮清影。到門忽訝駐鳴鑣。香夢初迴粧倦整。感君
不惜衝寒至。起擁鴛衾把君臂。妾身薄命君自憐。不覺啣恩墮雙淚。

✽移春向幽僻舊日自逐絮任飄颻。

若非包定。安得不胸步勤也。

移春 詩一首

題李昔非齋頭

董如瑛

路入桃源莫問津。吾家別有武陵春。綠窗深瑣無人到。唯有花香暗襲人。

逐絮 詩六首

花源逢顧何二使君作

姜舜玉

仙源深幾曲。夾岸桃花開。忽漫逢劉阮。慇懃勸酒杯。

青溪曲

景翩翩

昨自建州來。僑住清溪北。紛紛白晢郎。羣趨願相識。
日乘芙蓉車。七貴相爾汝。妾本吳中人。好就吳儂語。
石橋橫溪水。華月流青天。橋上步羅襟。可是凌波仙。
與歡深夜歸。小妹調箏歇。並坐結同心。引到樓頭月。

聞玉如移居戲題代贈程母潛

凌雙

此地風塵遠。唯君與共遊。林深耽宿鳥。黠熟醉鳴鳩。莫以殘紅盡。還將大白浮。
情連自追逐。何地不相投。

＊堆塚入秦樓舊曰經營遊楚館舊曰江

無錢尙要糊補來。既有寧不揮霍。經商千里。旅况悽然。爔亦少
不得。

堆垛 詩一首

贈遼陽李公子

霍雲

銀鞍駿馬鸛鷗裘。鼎食鐘鳴並五侯。不惜黃金買歌笑。青樓日費萬纏頭。

經營 詞一首

贈遠人

徐驚鴻

憐君客館無人省。寂寞梧桐影。青樓風月好耽情。沉香火底坐吹笙。月華明。
迢迢故國空相憶。恨積書難寄。何如雲雨夢高唐。意難忘。

＊營運多方。已拚經年遊柳陌。舊日行裝剛促。始於今夜宿花街。纜爔
舊日解

借錢落魄金綃帳。却把倡樓作債臺。行樂翻成苦。何必爾爾

經年 詩一首

冬日留別

馬月嬌

為憐楚客多豪俠。寒暑相過不計遙。萬頃蒼煙浮野墅。千村雪色映波潮。杯傳鸚鵡情偏愜。醉擁驪駒意轉饒。人日尙期君早至。百年莫得負招邀。

今夜 詩一首

送芮實卿還蕪湖

江陵妓

君家旅寓楚江平。今日相逢識姓名。却恨明朝又離別。相思一夜繞蕪城。

銀海邊許多美貌。舊日朱唇中無限嬌姿。舊日

銀海。眼也。串家需用此伎倆。口頭箇箇是情人。及至相逢不相識。願與此人除却眼債口舌債。

眼嫖 詩一首

戲成寄調

蘇小瓊

羨君年少擅風流。自擬章台好雅遊。但到朱門窺粉黛。何須入座聽笙篴。丰標只向簾前遇。雨態曾無夢裏投。寄語風流休自逞。目成誰共結綢繆。

口嫖 詩一首

嘲王生

倪元美

風流自擬逢傾國。到處青樓耽麗色。爭知繫馬向章臺。相看若箇曾相識。
*蒼生好色偏花鈔。舊曰強嫖老妓開門定貼錢。舊曰家嫖

蒼生。老嫖客也。不論男女只是老的吃虧。

蒼生好色 詩一首

對涪翁

盼 盼

嬌憨兒女態。孟浪友于情。竟以紅顏誤。翻將白髮迎。惟知貌自惜。難共意同傾。語及生華事。愁懷鎮日撻。

遺友

馬月嬌

對君便欲瑣雙蛾。白髮低垂奈若何。縱是當樽銷夜燭。也知無意按春波。

＊買心多費鈔。舊曰官嫖小得趣便抽身。舊曰乖嫖

大率討好一念破不去。未免多費思索。能破則抽身何難。

買心 詩一首

贈友

樂 婉

明珠十斛生夜光。牀頭錯刀相輝煌。羨君不惜輕一擲。至今名姓滿平康。
有感
劉燕歌

憶昔歡娛不下牀。盟齊山海莫相忘。那堪忽爾成拋棄。千古生憎李十郎。

攜手曲寄張夢徵

孫娟

攜手惜芳菲。爲歡須及早。歡情若流水。儂意猶芳草。芳草解留人。流水尙有濬。
歡極寧再顧。一去颺飛塵。

＊雜情頻換色。舊曰嗜堅意不生心。舊曰定

兩者各得其趣。堅意人自討苦吃。

離情

子夜變歌

景翩翩

纖手整行纏。月色臨戶牖。豈故樂驅馳。歡情不耐久。

少年行

李筠

少年意趣方盛時。蚩蚩未解害相思。擲果驅車何太疾。秦樓屬盼娼家兒。處處交歡轉眼換。贏得玉人腸自斷。翠麟珠勒過臨邛。如雲又出東門看。從來薄倖已無論。是處風流害煞人。收盡飛花武陵路。何常醉後學傷春。

取主意 詩四首

葛賓月

青青蘼蕪枝。鬱鬱故山垂。詎知昔慊慊。遽作今悽悽。憶昔謬恩私。憐君特見宜。鴛鴦羞比翼。菡萏惜連絲。君持可憐意。妾誓始終期。妾心君故知。妾身不自貶。情知非分理。俗態橫相持。遂令君意失。翻謂妾心移。鍾山尙有巔。淮水尙有涯。妾意直如此。寧將衰草齊。冰輪墮羅帳。可以鑒情思。黛斂風前怨。紅翻夢裏啼。知君相悟否。淚盡此緘辭。

守情十四韻

景翩翩

握粟詹予美。端著竟我欺。前魚如未棄。下鳳故應遲。荏苒驚吹律。淒涼憶履綦。漫餐妃子秀。虛蓄舍人飴。嬾去初侵鬢。顰回恰到眉。淚痕留琥珀。花勝淡胭脂。露遣冰紈冷。風傳畫角悲。題盤緣伯玉。擣索事班姬。苦海填愁遍。盟山着恨移。秋深仍繫帛。日入已棲埭。石闕何能解。刀頭尙可期。三緣經曲折。五內幾妍媸。塵掩菱花鏡。心搖桂葉旗。何妨梁下信。更作有情癡。

怨辭

景翩翩

豈曰道路長。君懷自阻止。妾心亦車輪。日日萬餘里。妾作溪中水。水不離石。君心似楊花。隨風無定跡。

＊一日三番酬厚意。

舊曰點卯嫖

十期半月敘交情。

舊曰燒香嫖

念頭一刻不能實。一日只走三番。還是少也。十朝半月一敘。非

大有主見者不能。

一日二二采田 詞一首

崔生與女弟投契作此相嘲

調風中柳

李筠

暮去朝來。不似參商契闊。念多情寧辭跋跣。縱然分袂。忍終教輕撇。願將相共
耽風月。一日三秋。只恐番成吳越。假饒瑤池路杳。潯陽信阻。也須知青鳥解
傳書。不教愁絕。

＊隔年償宿債。舊曰牛女嬈間日抱花眠。舊曰瘡疾嬈

隔年 詩一首

再晤詩同趙生賦

李非煙

去年花裏送君行。此日相逢又落英。已道鸞儔難再合。寧期牛女復憐情。雙眉

轉覺增新恨。片語番從話舊盟。莫向青宵惜沉醉。河橋明發又長征。

※識趣賞音攜友樂。此實堪欽。舊曰暮來朝去畏人知。是為可笑。宿標

獨樂樂。與人樂樂。孰樂。日。不若與人。

暮來朝去 詩一首

月夜

李素芳

獨夜逢君至。空庭月倍明。深情從握手。逸興起飛觥。忽漫聞鷄早。倉忙策馬行。

凝眸時按轡。相望各含情。

※談朋過失。方是好音。誇友賢良。決非佳兆。

若無截馬之朋。誇之何妨。

詩詞無

※懸榻既下徐孺留。今猶如是。醴酒不設穆生去。古亦皆然。

出門看風色。焉有不留而住之理。

留客詩一首

示友

衛紫英

幾度期君會面難。相逢纔得馭雙鸞。自矜握手歡初愜。忍使傷離淚暗彈。暫向
蘭闈飛玉學。漫從柳陌騁雕鞍。相將但得須臾話。絕勝羅幃百夜歡。

待心上人自是不同。

跳躍相迎詩二首

喜友人至

趙觀

愁縈別遠入門驚。忘却寒暄之子情。執手但言君去後。竹窗虛影爲誰清。

秋夜逢故人

王觀微

別來久與故人違。紫氣清宵映月暉。此夕尊前殊恍惚。相看問是夢中非。

念友

調戀情深

孫月

袖擁餘寒籠寶釧。香沉小院。自從些個繫傭心。兩情深。等閒忽漫暫分簪。徒倚迥難禁。幾向風前獨語自沉吟。

※他人之異從姬說。乃指賣好之路。已妓之私向友言。是開引賊之門。

舊云異。陽物之異也。何必如此說。異姿異才異富異俠。皆妓所喜。得趣處不向人言。真是難忍。

詩詞無

※朝則茶暮則酒。只爲孤老。貧能周患能濟。乃是情人。

此見休戚相關。

詩詞無

✽初撫是其體面。久遣決少真情。

詩詞無

✽吁氣多因心不愜。出神定有事相關。

吁氣出神情癡人看來易動。此中實亦有假。

吁氣 詞一首

述懷 調眼兒媚

岳文

簾幙低垂晝偏寒。無語獨憑闌。猛將心事暗中思省。自覺摧殘。芳期依舊成
耽誤。此意有誰憐。傷情處。數聲悽惋。雙淚闌干。

出神 詩一首

自調

呂楚卿

覽鏡獨無語。凝眸意似癡。遙遙無住着。若箇是相思。

＊鴉子來陪。定然有故。友人替念。必受其私。

一見鴉兒。便生事故。况可來陪也。

此友更非好人。

詩詞無

＊日久佳人翻作道。年深子弟或成龜。

作孽得沒了結。借出家爲收場。

子弟在此中年久。別無事事。

不覺竟靠此營生矣。可爲寒心。

入道 詩二首

禪悟

徐驚魂

誤落風塵已有年。每思探道叩金仙。羞將鳳髻重臨鏡。獨挽牛車好着鞭。夢裏

巫山空二六。悟來法界遍三千。傷心歌舞雖重覩。矯首長辭玳瑁筵。

送徐孃入道

崔重文

懶從高閣度新聲。盡日蒲團夢化城。更向蓮台參法乘。却疑天女散花行。
*寄信寄書。乃發催錢之檄。贈巾贈扇。真拋引玉之磚。

一字一物。出自麗人。便覺珍重。敢不圖報也。

寄書 詩二十八首 詞一首

答韓君平

柳氏

楊柳枝。芳菲節。可恨年年贈離別。一葉隨風忽報秋。縱使君來豈堪折。

貽友人

李冶

尺素如殘雪。結爲雙鯉魚。欲知心裏事。看取腹中書。

寄朱放

望水試登山。山高湖又闊。相思無曉夕。想望經年月。鬱鬱山木青。綿綿野花發。別後無限情。相逢一時說。

寄遠

田娥

憶昨會詩酒。終日相逢迎。今來成故事。歲月令人驚。淚流紅粉薄。風度羅衣輕。難爲子猷志。虛負文君名。

贈遠

薛濤

芙蓉初落蜀山秋。錦字緘開到是愁。閨閣不知戎馬事。月高還上望夫樓。擾弱青蒲綠又齊。春深花落塞前溪。知君未轉秦關騎。日照千門掩袖啼。

初冬有寄

溫婉

萬木凋零苦。樓高獨凭欄。綉幃良友永。誰念怯孤寒。

述懷寄人

溫婉

分手長亭後。音書更杳聞。離愁應似我。况味不如君。玉管寧無恨。蘭蕖別有薰。攀思共明月。心緒正紛紜。

寄遠

溫婉

小花靜院東風起。燕燕鶯鶯拂桃李。斜倚紅牆卜遠人。樓外春山幾千里。

寄情

溫婉

郎在溪西妾岸東。雙眸寄恨託溪風。待郎行盡溪邊路。笑入垂楊避釣翁。

寄答丘長孺

白歡

記得金風八月秋。拜郎燈下閣東頭。雖慚玉樹蒹葭比。已托琴心膠漆投。夜夜相思耿不眠。愛而不見但空憐。卽無縮地飛天術。賴有常開玳瑁筵。每至關情不自持。私將檀板掩蛾眉。受郎一顧心逾亂。不敢當筵誤唱詞。后土皇天感照臨。今宵得遂一生心。喜將白首隨豪傑。敢憾三星夜抱衾。

歌筵舞席思渾迷。血淚私將枕上啼。君意莫隨流水去。妾心已作水中泥。祇廟已言無烈火。銀河誰道有風波。不能刎頸酬知己。腸斷臨歧可奈何。

寄張六郎

孫娟

早起臨粧拂鬢鴉。香風何處襲輕紗。六郎政爾牽儂意。開遍盆中菡萏花。

寄友

楊玉娟

搖落風塵已數年。不禁摧挫減芳研。天涯幸遇多才客。繾綣幽情使我憐。謝得蕭郎深護持。芳心一點許相依。只愁青鬢紅顏改。可似當年眷戀時。

顧太湖見予寫蘭貽吳山兄投詩以索賦此

答之

馬月嬌

別館清幽賞未回。欲將羅襪步蒼苔。素毫慵寫幽蘭寄。彩筆先將錦字裁。換馬敢希燕市駿。爲雲空到楚王台。長康故是風流輩。可許相邀共酒杯。

寄友

景翩翩

蛾眉慳畫鏡。慵開。裙減腰圍自剪裁。二十五絃聲欲斷。偏留明月印蒼苔。

寄遠

景翩翩

驅車一以疾。相見何遲遲。思君平昔意。不似薄情兒。江上望歸棹。君歸未有期。試看圓缺月。是妾斷腸時。

寄蔣子

王儒卿

花開不如昨。妾老不少年。君當憶花復念妾。明日重來不似前。

寄吳郎

王儒卿

舊事巫山一夢中。佳期回首竟成空。郎心亦是浮萍草。莫怪楊花易逐風。

寄友四首

薛素素

燈下金錢卜。風前玉笛橫。此時身與世。總是別離情。

誰憐花獨撚。自與酒相親。無限相思意。題詩寄遠人。
未送魚腸劍。先裁鴈足書。金蘭同臭味。不審近何如。
別路三千里。離情十二時。詩成憑寄與。一字一相思。

寄友

調減字木蘭花

李秀蘭

自從君去。曉夜縈牽腸斷處。綠逼香堦。過夏經秋鴈又來。
想伊那裏。應也情懷愁不止。縹緲書沉。直至如今沒信音。

贈巾

詩四首

贈汗巾

陳真素

愁聽玉漏夜偏長。薄命如儂固自當。一縷機絲聊寄恨。莫教拋擲阿誰傍。

贈幌

趙觀

半幅輕綃意不窮。贈君憂思更忡忡。只須鄭重春衫裏。莫使相思淚染紅。

寄汗巾詩

宋小燕

高樓風雨易黃昏。拭淚絨題欲斷魂。不是迴文誇錦字。相思聊復寄啼痕。

贈汗巾

王觀微

冰機織就自鮫人。流向人間不染塵。帶結同心聊作伴。朝朝暮暮得相親。

贈扇詩八首

贈扇

贈却桃花扇。春風寄筆端。藉郎時便面。何用賦齊紈。

題蘭扇贈友

苗素

墨色吐秋光。紉佩尙瑛琇。宗與同心人。幽香襲懷袖。

夏日寄扇

董如瑛

相逢日夕歡相狎。念爾炎蒸投素箠。願言慎勿棄秋風。蕭條空徹班姬匣。

畫菊扇頭贈新知

薛素素

金鈴千朵絕栽培。分得寒香入酒杯。自怪苦吟清瘦甚。不知君却爲誰來。

題畫扇贈人

王觀微

金井梧桐映碧空。香扇并處思無窮。太湖石似巫山峻。雲雨襄王一夢中。

題蘭扇贈人

馬綬

植幹自幽谷。芬芳出沅湘。蕭艾雖爲伍。終難掩國香。

題畫扇送人

王藻珠

閑年漫訝久無詩。獨坐蕭條月上時。故把一尊相憶處。梅花爲放向南枝。

畫蘭扇贈鄭圖南

林雲

屢結騷人佩。時飄鄭國香。郎心能永念。幽谷自含芳。

附贈

詩十三首詞一首

折花酬新員外

薛濤

青鳥東飛正落梅。啣花滿口下瑤台。一枝爲授慙勲意。把向風前旋旋開。

寄髮

太原妓

自從別後減容光。半是思郎半恨郎。欲識舊來雲髻樣。爲奴開取縷金箱。

贈朱章武玉指環

華州王氏

捻指環。相思重相憶。願君永持翫。循環無終極。

寄半臂詩

鄭如英

鴛衾半剩怯流蘇。祇是天涯恨有餘。却憶四郎眠未穩。長宵片月碧窗虛。

裁衣寄人

苗素

霜華蕭瑟念衣單。小閣挑燈展素紈。手握并刀清似水。爲郎裁剪不知寒。

寄玉連環

苗素

妾意比連環。相循無斷續。含情把似君。願言永相屬。

解佩贈友

賈素琴

半躡雲鬟倚繡牀。生憎雙燕宿雕梁。臨風忽憶人如玉。自解鳴璫贈阮郎。

贈指環

高鳳翔

贈郎雙指環。此意郎知否。願逐掌中珍。把握從郎手。

贈香囊

茗溪妓

幾寸輕紈手自持。偷閑繡出合歡枝。殷懃更着同心結。欲爲蕭郎繫所思。

題畫蘭贈友

頓繼芳

采采不盈掬。昔以紉君裳。君裳歷九秋。馥郁時在傍。相思卽相見。從此罷新粧。

畫蘭

薛素素

空谷佳人絕世姿。翠羅爲帶玉爲飢。獨憐錯雜蕭蕭草。一段幽香祇自奇。

寄小像

馬綬

自將孤影帶愁描。無奈瑤琴暗裏挑。一片真心同夜月。願隨鸞鳳待吹簫。

緘棗寄張生

李元

曾聞安邑植千株。數顆緘題遠寄吳。東去大江魂夢斷。天涯明月照流蘇。

咏鳳頭簪贈友

詞好事近

景翩翩

鳳引玉搔頭。偏傍紫簫飛到。粧罷綠窗斜插。問菱花誰俏。還須郎至倩郎扶。打疊鬢雲。好伴那鳳釵鴉髻。與六珈偕老。

青樓韻語

卷四

※客交千箇假如也。情在一人真有之。

廣種薄收之法。

情在一人 詩二首

懷人

悠悠平樂兒。強來敗人趣。番令意中人。相思不相遇。

劉季招

寄情

鄭雲華

含情未及申。授色歌頻變。願得一心憐。寧辭人目眴。

※他有嫁娶之人。我不解。爲他填陷。我有剪燒之妓。他不識。替我玷垓。

各要知機。倘迷而不悟。受害不淺。男子更易於着迷。

圯垓詩一首

羅敷曲

鄭雲華

采采薜蘿枝。終朝不盈手。但愜歡來情。遑恤歡去後。素衷別有托。莫訝歡不久。啼笑寧顧勞。歡極須回首。

※久念不馴。曾着閃。纔調卽順。恐非真。

傷弓之鳥。難於彈射。以學問長了也。寧肯輕拋一片心。

詩詞無

※多情頻見面。薄倖少相逢。

不但妓擇客。客亦不可不擇妓。

多情頻見 詩三首詞一首

臥病喜陸鴻漸至

李治

昔去繁霜月。今來苦霧時。相逢仍臥病。欲語淚先垂。強勸陶家酒。還吟謝客詩。偶然成一醉。此外更何之。

史太學微伯見訪

薛素素

獨坐幽齋裏。門前報客來。幸能瞻紫氣。敢恕破蒼苔。刻竹留新句。開樽醉舊醅。若爲憐寂寞。常此共徘徊。

期至

馬綬

爲愛閒清晝。焚香坐繡牀。抱琴方注想。忽到畫眉郎。

追憶往事

調應天長

劉元珍

生憎別去音塵絕。一日思君腸寸結。乍歡娛。多契闊。佳期暗把金錢跌。每相逢。心反折。只恐片時輕別。最是此時情切。吞聲番哽咽。

贈友 調歸國遙

郭湘雲

攜君手。為愛多情期。廝守花下清樽相就。兩情濃似酒。別後頓增僂僂。簾前常密候。莫使舊歡虛謬。淚沾雙彩袖。

※離合有期。憂同戚而笑同歡。索求無厭。少則與而多則許。

一憂一喜總相關。不必專在離合之際。索物總不當拂。要自己活相耳。

同欣戚 詩一首

感恩篇贈友

林桂芳

片言成永契。百世懷舊恩。憶昔在泥中。此離難終存。憂心時孔棘。唯君垂覆翼。為拭鏡中雲。好護花間色。譬彼明與良。生死同休光。主憂臣與辱。主辱臣當亡。歷此危疑境。相期結刎頸。今已罷驚棲。共照雙鸞影。曉起觀粧新。盼郎情愈親。

寧如倚門婦。顰笑由他人。

※出其不意。虛實立見。

詩詞無

※對王面趙。是亦可嫌。抱李呼張。此尤可怪。

教人怎當。

詩詞無

※替友殷勤爲探使。爲花牽引嫁東風。

此人專一撮合可鄙。

牽引 詩二首

代客答

趙今燕

曾傳錦字寄相思。夢裏行雲未有期。不及多情花下月。隔牆偏照最繁枝。

囑使者還楚

馬月嬌

曉聞雞唱送行人。千里相思向爾申。珍重好將傳尺素。片帆歸去莫逡巡。
*近離尙恐情疎。久別豈無心變。

轉眼就可疑。便畫一死字也沒幹。

久別 詩三首

寄友

誰言一日三秋別。况是三秋別若何。若使深盟付流水。臨邛遮莫又重逢。
西子湖頭白日遲。飛花處處惹遊絲。他鄉歌舞應留意。腸斷蕭娘知不知。

懷人

何玉鸞

歡意隨東流。一去不迴首。當時燭下盟。問歡還憶否。

*怨日色之落遲。以實人意。恨鷄聲之報早。乃誘客心。

枕邊捉人。自是良法。

怨日色詩一首

子夜夏歌

李瑣

日永倦遊賞。枕簟集涼颺。便欲甘同夢。那堪日落遲。

恨鷄聲詩一首

帳中詞

楊曉

夢驚鴛帳酒微醺。欹枕偎郎意轉殷。共惜影蛾池上月。尙憐神女峽中雲。晨光肯逐蒼烟散。海水容將玉漏分。怕理衣裳向枕畔。鄰鷄莫漫使郎聞。
*迂言說謊。蓋不自由。發誓拈香。聽其自順。

既察其虛。卽發誓拈香一虛也。聽之而已。

設誓 詩三首

同心歌

妾乘油壁車。郎跨青驄馬。何處結同心。西陵松柏下。

蘇小小

呈友

碧桃花下共焚香。灑血題書祝上蒼。自爾盟言期白首。便從椎作謝紅粧。楊花南圃君休問。松柏西陵妾未忘。宛頸至今憐紫玉。南山獨自淚沾裳。

齊錦雲

與張生盟

馬綬

海誓盟常設。青樓偏襲人。君心終不變。妾意自須真。

＊大凡着相。終是虛工。若到無言。方爲妙境。

二語講宗。惟了悟者。自得之。

無言 詩二首

贈女弟

郝文珠

晝永雕梁落燕泥。屏山香煖炷金猊。幽懷未許傍人識。一笑無言翠黛低。

卽事

吳文蘭

授色顰眉薄。無言寄意深。對郎扃繡戶。默默解芳心。

※眉與目雖是相扳。口共心決然不應。

也應不許多。

詩詞無

※梳洗尙新。想適間之寢起。杯盤既設。知刻下之邀賓。

此態人人能識

梳洗 詩四首

晏起

景翩翩

晏起茶香解宿醺。闌干花氣午氤氳。侍兒指點湘簾外。若箇春山多白雲。

休洗粧

景翩翩

休洗粧。洗多紅色減。色減無時歸。弱質難重染。祇將紅淚共流東。褪却無由綴落紅。

休洗粧。洗多漸成故。能無故色殊。番將新色妬。新故新故遞相因。莫教淺淡尤它人。

畫眉

景翩翩

鶯去春如夢。梅黃雨當癡。可堪明鏡裏。獨自畫蛾眉。

✽起坐不常。決心中之事忤。驚疑無定。恐意內之人來。
唯知心人能識心事。然須聽之。

失常詩一首

怨詩

齊錦雲

何事春風鎮掩門。繡牀斜倚獨消魂。無端更向何間立。不覺春衫濕淚痕。
✽外僕忽來知探信。家人屢至必相招。
於官身更饒此况。

詩詞無

攢眉而笑。終是屈情。揉眼而悲。却非本意。

悲歡總不足憑。

詩詞無

須是片時稱子建。不可一日無鄧通。

卽有子建才。他家用不着。何敢與鄧通錢較勝負也。

稱子建 詩一首

席上貞卿以新詞相授賦贈

郝美

繡虎雕龍未足論。君才軼世迥無倫。閑來愛向青樓坐。醉譜新聲教玉人。
*黑頭鴛子偏多事。黃面佳人最沒情。

好相法。

詩詞無

好色親三代。盛容僅十年。

親三代者。與妓家母女三代交也。有體面者。決無此事。及時交好。庶無遺珠。

盛容谷詩二首

張君儀席上各賦盛年不再好

得落字

何玉鸞

睽彼芳槿花。朝榮暮衰落。人生十年內。安得常如昨。容華漸消歇。舞衣慚恤削。覽鏡起長嘆。附膺自貽愕。知君獨解此。當樽日行樂。但恐君別離。此意凭誰托。

古意

趙今燕

河邊楊柳樹。枝葉何裊裊。一朝花落飛。東西不相保。人生會晤難。別離何太早。昔爲連理枝。今爲斷腸草。睽念當時歡。相思人易老。

情處者。不當以泛泛之交論。

詩詞無

＊蒼顏子弟。世上多聞。白髮花娘。人間少見。

這不必說。

詩詞無

＊搜枯令以酒報仇。認真情遂爲飄縛。

交淺則有酒席間報復。若有情人。正於杯酒相隱相代通好也。一意認真。自不可解。

詩詞無

＊聲名出於衆。致使眼高。顏色不如人。慣將物賂。

名妓不由不眼高。困妓不得不行賄。

聲名詩一首

贈鄰姬

郝文珠

幾從曲裏擅聲名。懶束纏頭按錦箏。縱是多情頻載酒。也知簾幕罷逢迎。

＊誘多方見厚。勸久反爲疎。

爲情癡。則喜誘不喜勸。大抵識不破也。

詩詞無

＊棍飄嘗議四王。雞妓亦稱五虎。

舊註頗俚。存而不論可也。

詩詞無

＊道有傍門。尙難洞曉。色無正路。是亦難知。

人心好尙不同。有何成色可據。

詩詞無

＊燒剪頻而必濫。貲囊富而定貧。

此隄一決。勢必奔潰。以視爲尋常耳。

詩詞無

✽手口未能全。總設誓盟皆枉矣。性情不相合。雖成交往也徒然。

嫖而慳吝。豈能要盟。不慳吝矣。心事各別。無益也。

性情相合 詞一首

與王生坐譚偶成

調柳稍青

趙觀

合歡連理。自知不及。多情偎倚。佩結同心。三生契合。百年和美。笑語悲歡。渾

疑似形馳影起。着意端詳。何須巫峽。朝雲暮雨。

✽子弟錢如糞土。粉頭情若鬼神。

鬼神不過要錢耳。多燒幾陌與他。

詩詞無

＊頻允物。擔雪填井。不使錢。掩耳偷鈴。

撒漫與白闖。病則一般。

詩詞無

＊人物醜而家業趁。理無太足。形容美而情性愚。事不十足。

舊註單屬妓說。予謂嫖客亦然。

詩詞無

＊有百年之夫婦。無一世之情人。

興起無謂。

詩詞無

＊填還滿而客便去。緣法盡而人自開。

填滿矣。不日留而日去。可憐也。緣亦有之。

詩詞無

✽抱枕晝眠。非傷春卽病酒。挑燈夜坐。不候約便思人。

情況可玩。

傷春 詩二十九首 詞一首

春望 詩四首

薛濤

花開不同賞。花落不同悲。欲問相思處。花開花落時。
檻單結同心。將以遺知音。春愁正斷絕。春鳥復哀吟。
風花日將老。佳期猶渺渺。不結同心人。空結同心草。
那堪花滿枝。翻作兩相思。玉簪乘朝鏡。春風知不知。

偶居

李冶

心遠浮雲去不還。心雲併在有無間。狂風何事相搖蕩。吹向南山復北山。

閨情

常浩

門前昨夜信初來。見說行人卒未迴。誰家樓上吹橫笛。偏送愁聲向妾哀。

病中見落花

顏令賓

氣餘三五喘。花剩兩三枝。話別一樽酒。相邀無後期。

閨怨

離居垂妾淚。遠役斷君腸。不及樓中燕。雙雙語畫梁。自君千里別。看月幾回圓。織得相思字。無因托鴈傳。

春怨

趙燕如

鴈關音信斷。蘭閨物候妍。草色三春雨。鶯啼二月天。覽鏡紅顏改。緘書錦字鮮。相思不自抑。愁倚玉樓前。

春閨課舞

李筠

薄命春園婦。嬌歌不忍聞。月低桃葉扇。風動石榴裙。羅薦含春暖。華燈照夜分。幾回公子宴。勉強待慇懃。

聞禽

李筠

牡丹無比有餘春。啼鳥聲聲欲訴人。白玉屏開光照榻。秋來羞殺靚粧新。

病起美人爲楊舜華賦

徐驚鴻

久掩朝屏翠。纔窺夜鏡紅。妝仍慵却月。舞尙怯迴風。舊好聊相款。新歡且未同。猶然防小極。強自轉房櫳。

答詩

楊舜華

一病緣誰起。都將朋友疎。幸同蘇肺後。敢學捧心餘。艾底先添縷。花間待校書。郎今看妾貌。比昔較何如。

春閨怨

朱泰玉

入眼春光長似醉。愛春翻作傷春淚。惹恨牽情最惱人。落來花片飛來絮。亂落桃花飛絳雪。柳梢頭上三更月。一縷名香手自焚。關山夢落魂飛越。

對月

朱泰玉

一簾明月白紛紛。寶鴨香銷欲斷魂。侍女錯猜心事上。却將花柳怨黃昏。

閨思

迴文

景翩翩

簫吹靜閣曉含情。片片飛花映日晴。寥寂淚痕雙對枕。短長歌曲幾調箏。橋垂綠柳侵眉淡。榻繞紅雲拂袖輕。遙望四山青極目。銷魂黯處亂啼鶯。

春夜

景翩翩

香消翠被氣籠紗。夢斷流蘇燭影斜。最是柳塘春夜恨。淡風疎雨襟鳴蛙。

閨情

景翩翩

飛飛雙蛺蝶。底事過隣家。隣家海棠樹。春來已見花。
憶自折楊柳。長亭贈玉驄。如今楊花白。日日解春風。
夜靜還未眠。蛩吟遽難歇。無那一片心。說向雲間月。
窗前六出花。心與寒風折。不是郎歸遲。郎處無冰雪。

二月卽事

景翩翩

三月春無味。楊花惹曉風。莫行流水岸。片片是殘紅。

泰寧病中

景翩翩

春日顰眉長閉門。東風吹雨倍銷魂。不知野外垂絲柳。青入南頭第幾村。

春日卽事

張九

金針戳破窗兒紙。引入梅花一線香。螻蟻也知春色好。倒拖花瓣上東牆。

春懷

張季蘭

開盡鶯花燕也愁。可堪百舌惱枝頭。春魂自是隨風散。暗逐流紅出御溝。

枕上偶成

馬月嬌

懶向秦樓聽玉簫。蘭房香冷夜迢迢。雙飛羨殺衡陽鶯。悶對燈花只自挑。

燈夜病起

謝爾珍

良宵何事轉淒然。厭說笙歌滿市廛。欲解愁顏尋女伴。不堪病骨向燈前。朱衣畫袴兒童戲。銀燭青絲公子筵。獨有深閨易憔悴。寒爐挑盡不成眠。

春怨

調小重山

吳淑姬

謝了荼蘼春事休。無多花片子。綴枝頭。庭槐影碎被風揉。鶯雖老。聲尙帶嬌羞。獨自倚粧樓。一川烟草。浮觀雲浮。不如歸去下簾鉤。心兒上難着許多愁。

病酒 詩二首

醉臥美人爲寇文華賦

徐驚魂

金樽憑興寄。角枕粲容華。腕合顛痕玉。眉分臉暈霞。已酣楊柳態。未足海棠花。乍起橫波漫。挑郎約鬢斜。

答詩

寇文華

金谷厭厭夜。瓊漿泛泛時。招尋周顛對。流面謝莊兒。睡去將誰夢。驚迴低自知。遠慚妃子態。那得謫仙詩。

夜坐 詩一首

夜坐

景翩翩

柳底繁陰月易藏。無端寒露泣寒螿。殘秋莫坐空堂夜。二十五聲點點長。

候約 詩七首 詞一首

得閻伯鈞書

李冶

情來對鏡懶梳頭。暮雨蕭蕭庭樹秋。莫怪闌干垂玉筍。只因惆悵對銀鈎。

七夕

景翩翩

樓前秦史憶吹簫。鴈足西風倍寂寥。望斷支機應化石。愁填烏鵲未成橋。素毫月冷吟梧葉。紈扇秋回識柳條。姊妹東隣如乞巧。莫教瓜果浪相招。

泊濠曲

姜舜玉

芙蓉帶結紅鸕蒂。楊柳絲牽紫燕飛。獨棹蘭舟何處宿。年年飄泊待郎歸。

獨寐

范琨

獨寐燈明眼底。牽期恨壓眉頭。霧隱昨宵金谷。月明何處朱樓。



青樓韻語上册終

中華民國柒拾捌年陸月廿日贈





國家圖書館



000797796



36

籍